

928
ハ
3

梅村家藏藁

三



梅村家藏彙卷第十三

詩後集五

五言律詩六十一首

過中峰禮蒼公塔四首

下馬支公塔經聲萬壑松影留吟處石智出定時鐘尚記山中約誰傳海
外逢平生詩力健翹足在何峰

其一

明月心常湛寒泉性不枯鳥啼香積散花落影堂孤道在甯來去名高定
有無淒涼看筆塚遺墨滿江湖

其二

慧業誰能繼宗風絕可哀昔人存馬癖近代薄詩才鹿走譚經苑鴉飛說
法臺空懸竹如意落日講堂開

其四

故國流沙近黃金牽堵坡胡僧眉拄地梵女口懸河傳法青蓮湧還家白
馬馱他年乘願到應認舊山阿蒼公
嶺人



過王庵看梅感興

練川城南三十里爲王庵學憲王先生著書地也有梅萬株不
減鄧尉余以春日過其廢圃學憲所著數種其版籍尙存

地僻幽人賞名高拙宦居客來惟老樹花發爲殘書斜日空林鳥微風曲
沼魚平生貪著述零落意何如

獨往王庵看梅沈雨公攜尊道值余已遣返賦此爲笑

屢負尋山約偶然來此間多君攜酒至愧我放船還雙屐成孤往千林就
一聞誰知種花叟鎮日不開關

送致言上人

獨下千峰去蒼溪出樹腰雲生穿履屐月滿過江瓢一飯從村寺前身夢
石橋經行無定著惆悵故山遙

過韓斯王墓四首

訪古思天塹江聲戰鼓中全家知韓關健婦笑蹄戎汗馬歸諸將疲驢念
兩宮淒涼岳少保宿草起秋風

其二

行在倉黃日提兵過故鄉傳聞同父老流涕說君王石馬心猶壯雲臺跡
已荒一環堪漬酒殘日下平岡

其三

詔起祁連塚豐碑有賜亭掛弓關塞月埋劍羽林星百戰黃龍艦三江白
石銘趙家金梳出山鬼哭冬青

其四

巨壘今蕪沒江山竟寂寥松風吹北固碑雨洗南朝細路牛羊上荒岡草
木凋育容樵豎擾遺恨在金焦

宿沈文長山館二首

一徑草堂偏湖光四壁天焙茶松竈火浴蘭竹籬泉玉鼠仙人洞銀鱸釣
客船前村呼種樹偶語石橋邊

其二

遇山思便住此地信堪留謀食田溪確齋心在石樓漁舟帆六面橘井樹
千頭長共鷓鴣夷子翩然結伴游

福源寺

去毛公壩三里爲橫雲嶺有福源寺以泉名翠巖松係梁朝舊物

千尺橫雲嶺金銀佛寺開鹿仙吹笛過龍女換珠來泉繞譚經苑松依說法臺蕭梁留古樹風雨不凡材

包山寺贈古如和尚

古木包山寺蒼然曉氣平石毛仙蛻冷近毛公壇雲影佛衣輕咒鉢蛟人聽彈碁鶴子驚相逢茶早熟匡坐說無生

過圻村

萬壑響鳴蟬湖光樹杪懸雲鬢神女廟雪乳隱君泉山籠櫻桃重溪船菱芡鮮相攜從此住松老不知年

湖中懷友

渺渺晴波晚青青芳草時遠帆看似定獨樹去何遲花落劉根廟雲生柳毅祠香蓴正可瀨欲寄起相思

七夕卽事四首

羽扇西王母雲緝薛夜來鍼神天上落槎客日邊回鵲渚星橋迥羊車水殿開祇今漢武帝新起集靈臺

其二

今夜天孫錦重將聘雉神黃金裝鈿合寶馬立文茵刻石昆明水停梭結綺春沉香亭畔語不數戚夫人

其三

仙醞陳瓜果天衣曝綺羅高臺吹玉笛複道入銀河曼倩詼諧笑延年婉轉歌江南新樂府齊唱夜如何

其四

花萼高樓迥岐王共輦游淮南丹未熟緜嶺樹先秋 詔罷驪山宴恩深漢渚愁傷心長枕被無意候牽牛

大根菜

幾葉青青古穿泥弗染痕誰人愛高潔留汝歷涼温輪囷形難老芳辛味獨存古來磬石重不必取深根

趵突泉二首

似瀑懸何處飛來絕壑風伏流根竅渺跳沫拂虛空石破奔泉上雲埋廢井通錯疑人力巧天地枯槁中

其二

不信乘空起憑闌直漉衣池平難作勢石隱定藏機曲水金人立凌波玉女歸神魚鱗甲動咫尺白雲飛

贈新泰合楊仲延其地爲羊叔子故里

置邑徂徠下雙槐夾訟堂殘民弓作社遺碣石爲莊野繭齊絜美春泉魯酒香歸來羊太傅不用泣襄陽

靈巖觀設戒

湖山留霸跡花鳥供經臺不信黃池會今看白社開枯潭龍洗出妙塔雁歸來此地關興廢須資法將才

送別故友二首

絕域重分路知君萬里餘馬頭辭主淚雁足覆巢書草沒還家夢霜飛過磧車齊諧他日事應記北溟魚

其二

雪深難見日海盡再逢關野鼠多同穴神魚斷似山只應呼草地都不類人間勉謝從行者他年有箇還

秋夜不寐

秋多人衆音不寐夜沉沉浩劫安危計浮生久誓心鄰雞殘夢斷窗雨一燈深薄冷披衣起晨鳥已滿林

七夕感事

南飛烏鵲夜北顧鸛鷺軍圍壁鉦傳火巢車劍拄雲江從嚴鼓斷風向祭牙分眼見孫曹事他年著異聞

喜願雲師從廬山歸 并序

願師住雲居十年而歸出其屋廬詩道五老石門九奇三疊諸勝飛泉怪瀑不可思議而尤以御碑亭雲海爲第一觀竟似住鏡光白銀二種世界不知滄桑浮塵爲何等事矣願公贈子五十初度詩其落句日半百定將前諾踐敢期對坐聽松聲蓋責予前約會時方喪亂衰病無家願以高堂垂白不能隨師以去也乃爲此詩荅之

勝絕觀心虛天風萬壑聲石門千鏡入雲海一身輕出世悲時事忘情念友生亂離兄弟恨辜負十年盟

贈錢受明

獨喜營時譽疏通邁等倫地從諸父重性似外家貧養馬無他好詩書別有神古來傳孝謹非必守前人

受明得子柬賀

長因故人子往事憶流連會忝充閩會俄逢拜亥年諸甥今甫爾入抱卻依然吾老猶堪待公卿只眼前

宿徐元歎落木庵

元歎棄家住故鄆山中亂後歸天池兩舍落木庵竟陵譚友夏所題也

落木萬山心蕭條無古今棄家歸去晚別業住來深客過松間飯僧留石上琴早成茅屋計枉向白雲尋

送王子惟夏以牽染北行四首

晚歲論時輩空羣汝擅能祗疑操陽遠猶是濟南徵名字供人借文章召鬼槍阿戎才地在到此亦何慙

其二

二十輕當世愁君門戶難比來狂太減翻致禍無端落木鄉關遠疲驢道路寒敝衣王謝物請勿笑南冠

其三

客睡愁頻起霜天貫索明此中多將相何事一書生末俗高門賤清時頌繫輕爲文投獄吏歸去就躬耕

其四

但可寬幽繫從教察孝廉昔人能薦達名士出髡鉗世局胥靡夢生涯季主占定聞收杜鶴甯止放江淹

虎丘中秋新霽

萬籟廣場合道人心地平天留今夜月雨洗去年兵歌管星河動禪燈風露清淒涼闔墓斷壑起松聲

哭亡女二首

喪亂才生汝全家竄道邊畏啼思便棄得免意加憐兒女關餘劫干戈遍小年興亡天下事追感倍淒然

其二

一慟憐渠幼他鄉失母時止因身未殞每恨見無期白骨投懷抱黃泉訴別離相依三尺土腸斷孝娥碑

其三

扶病常聞亂漂零實可憂危時難共濟短算亦良謀訣絕頻攜手傷心但
舉頭昨宵還勸我不必淚長流

中秋看月有感

今年京口月猶得杖藜看暫息干戈易重經少壯難江聲連戍鼓人影出
漁竿晚悟盈虧理愁君白玉盤

支硎山齋聽雨明早晴更宿法螺精舍

秋山所宿處指點白雲生故作中宵雨倍添今日晴一峰當止觀萬象通
孤清更上上方去松風吹玉笙

憩趙凡夫所鑿石

石骨何年斲蒼然萬態收直從文字變豈止斧斤搜亂瀑垂痕古枯松結
體道卽今苔薜剝一一類銀鈎

趙凡夫山居爲祠堂今改爲報恩寺

高人心力盡石在道長存古佛同居住名山卽子孫飛泉穿樹腹奇字入
雲根夜半藤蘿月鐘聲冷墓明

靈巖繼起和尚應曹村金相國請住虎丘祖席

應佛心無繫觀空老辨才道隨諸佛住山是相公開日出巖齋鼓天清護
講臺居然歌舞地人爲放衆來

王增城子彥罷官哭子留滯不歸近傳口信不得一字詩以歎之

二首

老徇妻孥意辭家苦萬端關心惟少子失計在微官客夢烏衣巷鄉愁白
石灘可憐消息到猶作兩人看

其二

庚嶺應逢雁章江莫寄魚遙知雙淚盡不遣一行書家在無歸趣途窮失
所如故鄉宜早去臨發乃長吁

寄懷陳甫方四首

漢法三冬繫秦關萬里流可憐諸子壯不料闔門收要路究誰救寬恩病
獨留羈栖騎瘦馬風雪阻他州

其二

百口風波大三生夢寐眞膏梁虛早歲辛苦得前身索米芒鞋雪傭書布
帽塵不知公府祿可識路傍人

其三

萬事偶相值愁中且遣家江山俄轉戰妻子又天涯
客酒消殘漏軍書過落花出門翻自笑安穩只龍沙

其四

時世高門懼似君誠又稀何辜憂并坐卽免忍先歸
苦語思持滿勞生羨息機向來兄弟輩裘馬自輕肥

咏月

長夜清輝發愁來分外明徘徊新戰骨經過舊臺城
秋色知何處江心似不平可堪吹急管重起故鄉情

訪商倩郊居有贈

花影瘦籬根江平客在門時吟寒入市晚食雨歸村
管記看山爽傭書宿火痕西京游俠傳乃父姓名存

假寐得月

滅燭貪涼夜窗陰夢不成雲從閉目過月向舉頭生
樹黑漆深影溪長耐獨行故人多萬里相望祇盈盈

三峰秋曉

曉色近諸天霜空萬象懸雞鳴松頂日僧語石房煙
清磬秀羣木幽花香一泉欲采黃蘗義便向此中傳

借願伊人晚從維摩踰嶺宿破山寺

樹老不言處秋深無事中雲根僧過白霜信客來紅
樵語歸林火茶煙小院風杳然松下路人影石橋東

維摩楓林絕勝則公獨開關結足出新詩見示

遇賞只枯坐秋林自著霜道心黃葉澹勝事白雲忘
壩水通茶籠山花對石牀靜中幽思足爲我出詩囊

夜發破山寺別鶴如上人

得來松下宿初月澹相親山近住難定僧高別更眞
暗泉隨去馬急月卷歸人過盡碧雲處我心慚隱淪

苦雨

響苦滴殘更愁中耳倍明生涯貪舊業天意誤躬耕
乞火泥連屋輪租澆滿城誰家歌舞宴徹曉不聞聲

梅村家藏彙卷第十三終

梅村家藏彙卷第十四

詩後集六

五言律詩六十六首

草城客樓大風曉寒吟眺以示友聖九日玉符諸子

偶作扁舟興偏逢旅夜鷓鴣啼殘夢樹客話曉樓風月落三江外城荒萬
馬中空持一尊酒歌哭與誰同

遇宋子建話故友有感

對酒徐君劍披襟宋玉秋蕭條當晚歲生死隔炎洲萬里書難到三山夢
可求學仙傷心南去雁老淚只交流

樓閣晚角

霜角麗譙閣天邊橫海軍旗翻當落木馬動切寒雲風急城烏亂江昏野
燒分何年鼙鼓急倚杖向斜曛

送鏡子璧赴大召

一騎衝寒雪孤城叫晚鴉參軍雄鎮地上客相公家酒盡河聲合燈殘劍
影斜信陵方下士旅思莫興嗟

過諸乾一細林山館

興極期偏誤名山識旅愁橋痕穿谷口亭影壓溪頭霞爛丹山鼎松鳴白石樓居然華燭夜先為一峰留

神山夜宿贈諸乾一

高士能調鶴仙人得卧龍穿雲三徑杖聽月五聲鐘管樂名堪亞彭佺道自濃獨來天際住嘯詠赤城松

過徐文在西奈山莊

已棄藍田第還來灞水濱煙開孤樹迥霜淨一峰真路曲山迎杖廊空月就人始知蕭相計留此待沉淪

細林夜集送別倩扶女郎

遠翠入顰眉輕寒袖半垂花生神女廟月落影娥池深竹微風度晴沙細履移回看下山路紅燭為誰遲

天馬山過鐵崖墓有感

天馬龍為友雲山鳥自飛定愁黃紙召獨羨白衣歸長卷心同苦狂歌調已非悲來吹鐵笛莫笑和人稀

陳徵君西奈山祠

通隱居成市風流白石仙地高卿相上身遠亂離前客記茶龕夜僧追筆冢年故人重下拜醪酒向江天

橫雲

青嶂千金鑿丹樓百尺高空山開化迹異代接賢豪李氏園亭廢後近身為諸乾一改樂世供危眺妻孥付濁醪雙眸雲背豁飛鳥敢吾逃

送聖符弟之任蘄水丞四首

隨牒為人佐全家漢水東放衙廳壁冷趨府戟門雄屈宋風塵下江山醒醉中丈夫從薄祿莫作故園窮

其二

四十未專城除書負姓名才高方薦達地僻鮮逢迎夏簟琴牀淨春泉茗椀清公餘臨墨沼洗筆畫圖成蘄有陸羽泉右軍洗筆池聖符善畫

其三

西上今吾弟分攜北固樓最高搔白首何處望黃州故舊忻無恙煙波感昔游新春有香草相寄慰離愁兼東畢協公待御

訪俗曾經亂車過大澤鄉殘民談勝廣舊國記江黃甘載流移復三湘轉
運長正逢休息後温詔重循良

暑夜舟過溪橋示願伊人

深岸聽微風江清不寐中舟行人影動橋語月明空寺樹侵門黑漁燈點
水紅誰家更吹笛歸思澗湖東

奈山遇姚翁出所畫花鳥見贈

七十忘機叟空山羨獨行只今來白石當日住青城一斗開顏笑千花洗
筆成那知牙齒落忽發浩歌聲

贈青溪蔡羽明

來傍山城住前賢定可追一經傳漢相八法繼秦碑仙是麻姑降才非唐
舉知逃名因賣藥不愧鹿門期

橘

莫設西山成蕭條是橘官時洞庭初果從今歲少樹為去年寒昨冬大寒
死一絹輸將苦千頭翦伐難茂陵消渴甚只向上林看橘大半枯

蛤蜊

疆飯無良法全憑適口湯食經高此族酒客得誰方水斷車螯味厨空牡
蠣房江南沈昭略苦嗜不能嘗

膾殘

棄擲誠何細夫差信老饕微芒經七箸變化入波濤風俗銀盤薦江湖王
饌高六千殘卒在脫網總秋毫

石首

採鮮諸俠少打鼓伐藏水五月三江去千金一網能尾黃荷葉蓋腮赤柳
條勝笑殺兒童語烹來可飯僧

燕窩

海燕無家苦爭啣白小魚卻供人採食未卜汝安居味入金齋美巢營玉
壘虛大官求遠物早獻上林書

海參

預使燂湯洗遲纔入鼎鑪禁猶寬北海饌可佐南京產東萊海莫辨蟲魚
族休疑草木名但將滋味補勿藥養餘生中故無禁

比目

比目誠何恨滄波作伴游幸逃網罟厄可免別離愁小市時珍改殘書土
物收若逢封禪詔定向海邊求

得東海比目魚
可封禪見管子

鯨

舊俗漁鹽賤貧家入饑輕自慚非肉食每飯望休兵餘骨擅何附長餐臭
有清腐儒嗟口腹屬鱷負昇平

過吳江有感

落日松陵道堤長欲抱城塔盤湖勢動橋引月痕生市靜人逃賊江寬客
避兵廿年交舊散把酒歎浮名

莫釐峰

始信一生誤未來天際看亂峰經數轉遠水忽千盤獨立久方定孤懷驟
已寬亦知歸徑晚老續此游難

送沈友聖漢川哭友詩四首

并序

漢川顧西嘯侍御與雲間沈山人友聖為布衣交使吳深自折
節友聖長揖就坐箕踞狂嘯無所不敢嘗所居田塲蓬蔚衝門

兩版侍御出郊枉訪停車話舊一郡皆驚西嘯亡友聖徒步三
千里哭之糧盡道寒直前不顧子與友聖交厚侍御亦以友聖
之故厚予嘗三人虎丘夜飲其鄭重之意形諸圖畫見於歌詩
漢川之行惜子不能從也爰作詩寓其悲焉

士有一知已無須更不平世翻嫌鮑叔人竊罵侯生置飲忘形踞停驂廢
禮迎柴門車轍在感舊淚縱橫

其二

得信俄狂走千山一哭中棄家芒屨雪為位草亭風兩水江聲合三生友
道空祇留黃鶴夢相見話詩翁

其三

貧賤誰會託相逢許此身論文青眼客漬酒白衣人巨壠松楸冷江山薤
露新一杯傾漢水不肯負春申

其四

徒步愁糧盡傷心是各天雲埋大別樹雪暗小孤船死友今朝見狂名到
處傳范張千里約重補入晴川

秦留仙奇暢園三詠

同妻西溟嚴蘇友顧伊人作

山池塔影

黛色常疑雨溪堂正早秋亂山來衆響倒影漾中流似有一帆至何因半塔留眼前通妙理斜日在峰頭

惠井支泉

石斷源何處涓涓樹底生遇風流仁急入夜響尤清枕可穿雲聽茶頻帶月烹只因愁水遞到此暫逃名

宛轉橋

斜月掛銀河虹橋樂事多花欹當曲檻石礙折層波客子沉吟去佳人窈窕過玉簫知此意宛轉采蓮歌

慧山酒樓遇蔣翁

桑苎誰來繼名泉屬賣漿憤應誇下苦味豈過程鄉故老空山裏高樓大道旁我同何水部漫說撥醅香

家園次罷官吳興有感四首

世路嗟誰穩栖遲可奈何官隨殘夢短客比亂山多閉閣凝香坐行厨載

酒過卻聽漁唱響落日有風波

其二

勝事難忘處陰晴檻外峰高臺爭出水曲塢自栽松矢志花還放離程鶴未從白雲長澹澹猶作到時容

其三

枉殉千金諾空酌一飯恩只今求國士誰與報王孫強閱裁詩卷長歌向酒尊古人高急難歎息在東門

其四

劇部非吾好蕭條去國身幾年稱做吏此日作詩人京洛虛名縷江湖懶病真一官知已愧所得是長貧

許九日願伊人和元人齋中雜詠詩成持示戲效其體

焦桐

流落中郎怨薰風意仁開響因知已出歌爲逐臣哀一曲尊前奏千金幾下材漢家忘厝火絕調過江來

蠶簡

飽食終何用難全不朽名素友招鼠盜魯壁竄歟生刀筆偏無害神仙豈
易成卻留殘闕處付與豎儒爭

殘書

原自無多筆年深色更凋茶煙衝雨過竹粉過風飄重懶扉從墮兒頑墨
誤描六朝金粉地落木更蕭蕭

舊劍

此豈封侯日摩挲憶往年恩仇當酒後關塞卽燈前解去將誰贈輸來弗
值錢不逢張壯武辜負寶刀篇

破硯

一擲南唐恨拋殘剩石頭江山形半截寶玉氣全收洗墨池成玦窺書月
仰鈎記會疏關失望斷紫雲愁

廢檠

憶會同不寐棄置亦何心喜伴疏窗冷愁添老屋深書將隣火映夢共佛
燈沉莫嘆蘭膏燼應無黠鼠侵

塵鏡

舉目風塵暗全遮皓魄輝休嗟青鏡改憐我白頭非秦女妝猶在陳宮淚
仁揮不知徐孺子負局幾時歸

斷碑

妙蹟多完闕天然反失真銷亡關世代洗刷見精神搗處懸崖險裝來斷
墨新正從毫髮辨半字亦先秦

過東山朱氏畫樓有感并序

東洞庭以山後爲尤勝有碧山里朱君築樓教其家姬歌舞君
每歸自湖中不半里令從者據船屋作鐵笛數弄家人聞之皆
出樓西有赤欄干累丈餘諸姬十二人豔妝凝睇指點歸舟於
煙波杳靄間旣至卽洞簫鈿鼓諧笑並作見者初不類人世也
君以布衣畜妓晚而有指索其所愛者以是不樂遣去無何竟
卒余偶以春日過其里雖簾幙凝塵而湖山晴美樓頭有紅杏
一株俯簷欲笑客爲余言君生平愛花病困猶扶而憑酒再拜
致別諸伎中有紫雲者爲感其意至今守志不嫁嗟乎由此足
以得君之爲人矣爲題五言詩於壁上

盡說凝眸望東風從倚身如何踏歌處不見看花人舊曲拋紅豆新愁長
白蘋傷心關盼盼又是一年春

葉君允文借雨叔及余兄弟游寒山深處

投足疑無地逢泉細聽來松顛湖影動峰背夕陽開客過攜山榭僧歸掃
石臺狂呼聲撼木麋鹿莫驚猜

查灣西望

屢折纒成望山窗插石根溼雲低染徑老樹半侵門漁直看疑岸沙橫欲
抱村湖光猶在眼燈火動黃昏

拜王文恪公墓

舊德豐碑冷朔天啟寂寥動名高故相經術重前朝致主惟堯舜憂時在
豎刁百年人世改野唱起漁樵

胥王廟

伍相丹青像鬚眉見老臣三江籌楚越一劍答君親雲壑埋忠憤風濤詎
苦辛生平家國恨偏遇故鄉人

查灣過友人飯

碧螺峰下去宛轉得山家橋市人沽釀桑村客焙茶溪橋逢樹轉石路逐
灘斜莫負籃輿興天桃已著花

寒山晚眺

驟入初疑誤沿源興不窮穿林人漸小攬葛道微通湖出千松杪鐘生萬
壑中晚來山月吐遙指斷巖東

翠峰寺遇友

卧疾峰腰寺欹危脚步勞松聲侵殿冷花勢擁樓高薄俗詩書賤空山將
吏豪時有成將不堪從置酒白髮自蕭騷

登寒山高處策杖行崖谷中

側視峰形轉空蒼萬象陰斷巖湖數尺絕澗樹千尋日透玲瓏影煙生窈
窕心忽逢天際廣始覺所來深

沙嶺

亂峰當面立反憩得平丘坐卧此云適歌呼不自由支頤蒼鹿過坦腹白
雲留笑指烏飛處有人來上頭

飯石峰

半空鳴杵日狼籍
孤山傍莫救黔黎
餓誰開白帝倉
養芝香作粒
黃石露為漿
飯顆相逢瘦詩翁
詎飽嘗

柳毅井 其地即橋社

仙井鹿盧音原泉
瀉橋林寒添玉女
恨清見柳郎心
短綆書難到
雙魚信豈沉
波瀾長不起
千尺為情深

雞山 夫差養關雞處

飲啄丹山小
長鳴澤畔雲
錦冠虛恃氣
金距耿起羣
飲翅雌猶守
專場勝未分
西施眠正熟
啼報越來軍

廢里 在武山吳王養馬處

夫差芻秣地遺跡
五湖傳柳葉青
絲鞞桃花赤汗鞮
武山桃花為降王羞
東洞庭一廢
降王羞執轡
豔妾笑垂鞭
老驥哀鳴甚
西風死骨捐

仙掌樓留別眾友

杯酒鏡湖平
持來送客行
可憐高會處
偏起故園情
煙鳥窗中滅
風帆樹杪生
遙看沙渡口
明日是離程

登東山雨花臺

白雲去何處
我步入雲根
一水圍山閣
千花夾寺門
日翻深谷影
煙抹遠天痕
變滅分晴晦
悠然道已深

留洞庭二十日歸自水東小港

漸覺雲天改
扁舟曲曲行
野橋誰繫姓
村樹亦知名
晚市魚蝦賤
煙汀菰米生
偶逢空澗處
重起舊灘聲

武山 本名虎山 夫差於其地養虎 李唐諱虎 為武至今仍之

霸略誇擒縱
君王置虎牢
至今從震澤
疑是射成臯
土俗無機穽
山風少怒號
千秋遺患處
誰始翦蓬蒿

題郁靜巖齋前壘石

就石補奇雲
潭幽亂石文
貞堅應有性
高下亦惟君
鳥雀因人亂
松杉我獨聞
苔階含古色
落落自同羣

梅村家藏藁卷第十四終

野哭江邨百感生
 闕雞臺憶漢家營
 將軍甲第藥弓臥
 丞相中原拜表行
 白面談邊多入幕
 赤眉求印却翻城
 當時只有黃公覆
 西上偏隨阮步兵
 其二
 盡領通侯位上卿
 三分淮蔡各專征
 東來處仲無宅志
 北去探源有盛名
 江左衣冠先解體
 京西豪傑竟投兵
 只今八月觀濤處
 浪打新塘戰鼓聲

梅村家藏藁卷第十五

詩後集七

七言律詩六十四首

江樓別幼弟字令

野色滄江思不窮
 登臨傑閣倚虛空
 雲山兩岸傷心裏
 雨雪孤城淚眼中
 病後生涯同落木
 亂來身計逐飄蓬
 天涯兄弟分攜苦
 明日扁舟聽曉風

揚州四首

疊鼓鳴笳發棹謳
 榜人高唱廣陵秋
 官河楊柳誰新種
 御苑鶯花豈舊游
 十載西風空白骨
 廿橋明月自朱樓
 南朝枉作迎鑿鎮
 難博雷塘土一丘

其二

野哭江邨百感生
 闕雞臺憶漢家營
 將軍甲第藥弓臥
 丞相中原拜表行
 白面談邊多入幕
 赤眉求印却翻城
 當時只有黃公覆
 西上偏隨阮步兵

其二

盡領通侯位上卿
 三分淮蔡各專征
 東來處仲無宅志
 北去探源有盛名
 江左衣冠先解體
 京西豪傑竟投兵
 只今八月觀濤處
 浪打新塘戰鼓聲

其四

撥盡琵琶馬上絃玉鈎斜畔泣嬋娟紫駝人去瓊花院青塚魂歸錦纜船
荳蔻梢頭春十二茱萸灣口路三千隋堤壁月珠簾夢小杜曾游記昔年

過維揚弔衛少司馬紫岫衛韓城人與余同年同官後以少司馬死揚州難

畫省連牀止論文天涯書劍忽離羣非關衛衛需開府欲下高昂在護軍
高杰秦人朝議以紫岫同鄉拜兵部侍郎典其軍事葬骨九原江上月思家百口隴頭雲故人搖落
邗溝暮為醉椒漿一勸君

過淮陰有感二首

落木淮南雁影高孤城殘日亂蓬蒿天邊故舊愁聞笛市上兒童笑帶刀
世事真成反招隱吾徒何處續離騷昔人一飯猶思報廿載恩深感二毛

其二

登高悵望八公山琪樹丹崖未可攀莫想陰符遇黃石好將鴻寶駐朱顏
浮生所欠止一死塵世無繇識九還我本淮王舊雞犬不隨仙去落人間

贈淮撫沈公清遠

秋風杖節賜金貂高會嚴更響麗譙去國丁年遼海月還家甲第浙江潮

書生禮樂修玄雁諸將弓刀掣皂鵬最是東南資轉餉功成蕭相未央朝

淮上贈嵇叔子

湖海相逢一俊英風流中散舊家聲琴因調古須防怨詩為才多莫近名
濁酒如淮歌慷慨蒼髯似戟論縱橫慚余亦與山公札抱病推遷累養生
過宿遷極樂庵明日晤陸紫霞年兄話舊有感

同時知已曲江游縱酒高歌玉腕駟黃葉渾隨諸子散白頭猶幸故人留

雲堂下榻逢僧飯雪夜聽鐘待客舟如此衝寒緣底事相逢無計訴離愁

白鹿湖陸墩詩在宿遷縣東為紫霞年兄避兵處

招提東望柳堤深雁浦魚莊買棹尋墩似謝公堪賭墅湖如賀監早抽簪
雲遮老屋容君臥月落空潭照此心百頃荷花千尺水夜涼兄弟好披襟

自信

自信平生懶是真底須辛苦踏春塵每逢墟落愁戎馬卻聽風濤話鬼神
濁酒一杯今夜醉好花明日故園春長安冠蓋知多少頭白江湖放散人

新河夜泊

百尺荒岡十里津夜寒微雨溼荆榛非關城郭炊煙少自是河山戰鼓頻

倦客似歸因望樹遠天如夢不逢人扁舟蕭瑟知無計獨倚篷牕暗愴神
將至京師寄當事諸老四首

柴門秋色草蕭蕭幕府驚傳折簡招敢向煙霞堅笑傲却貪畊鑿久逍遙
楊彪病後稱遺老周黨歸來話 聖朝自是 聖書修盛舉此身只合伴
漁樵

其二

莫嗟野老倦沉淪領略青山未是貧一自弓旌來退谷苦將行李累衰親
田因買馬頻書券屋爲牽船少結鄰今日巢由車下拜淒涼詩卷乞閒身

其三

匹馬天街對落暉蕭條白髮悵誰依北門待詔賓朋盛東觀趨 朝故舊
稀雪滿關河書未到月斜宮闕雁還飛赤松本是留侯志早放商山四老
歸

其四

平生蹤跡儘絲天世事浮名總棄捐不召豈能逃聖代無官敢卽傲高眠
匹夫志在何難奪 君相思深自見憐記送鐵崖詩句好白衣宣至白衣

還

讀楊文聰舊題走馬詩于郵壁漫次其韻一首

數卷殘編兩石弓書生搖筆壯懷空南朝子弟誇諸將北固軍營畏阿童
江上化龍圖割據國中指鹿詫成功可憐曹霸丹青手銜策無人付朔風

其一

君是黃驄最少年驍騁凋喪使人憐當時只望勳名貴後日誰知書畫傳
十載鹽車悲道路一朝天馬蹴風煙軍書已報韓擒虎夜半新林早著鞭
過鄭州

馬滑霜蹄路又長鴉鳴殘雪古城荒河水雨入車難過野岸沙崩樹半僵
邢邵文章埋斷碣公孫樓榭付斜陽只留村酒雞豚社香火年年賽藥王
恭紀

聖駕幸南海子遇雪大獵

君王羽獵近長安龍雀刀環七寶鞍立馬山川千騎擁賜錢父老萬人看
駑霜林白鹿開金彈春酒黃羊進玉盤不向回中逢大雪無因知道外邊
寒

聞撤織造志喜

春日柔桑士女歌東南杼軸待如何千金織綺花成市萬歲迴文月滿梭
恩詔只今憐赤子貢船從此罷黃河尙方玉帛年來盛早見西川濯錦多
上駐蹕南苑閱武行蒐禮召廷臣恭視賜宴行宮賦五七言絕句每體一

首應制

露臺吹角九天聞射獵黃山散馬羣練甲曉懸千鏡日翠旗晴轉一鞭雲
奇鷹出架雕弓動新免登盤玉饌分最是小臣慚獻賦屬車叨奉羽林軍
送無錫堵伊令之官歷城

攬轡朱輪起壯圖遺民喜得管夷吾城荒戶少三男子名重人看五大夫
畫就煙雲連泰岱詩成書札滿江湖茶經水傳平生事第二泉如趵突無

元夕

諸王花萼奉宸游清路千門照夜驅長信玉杯簪戴勝昭陽銀燭擘笙篴
傳柑曲裏啼鶯到爆竹光中戰馬收却憶征南人望月金閨燈火別離愁
讀鄆城魏石生懷古詩

長安雪後客心孤畫省論文折簡呼家近叢臺推意氣山開全趙見平蕪

憂時危論書千卷懷古高歌酒百壺自是漢廷真諫議蕭王陌上賦東都

送永城吳令之任

春風驛樹早聞鶯馬過梁園候吏迎山縣尹來三月雨人家兵後十年耕
鴉啼粉堞河依岸草沒旗亭路入城曾見官軍收賊壘時清今已重儒生

送安慶朱司李之任

到官春水畫樓輕天柱峰高卽郡城百里殘黎半商賈十年同榜盡公卿
雞豚塢壁山中稅鼓角帆檣江上兵亂後莫言無吏治此方朱邑最知名

送胡彥遠南還河渚

匹馬春風返故林松杉書屋畫陰陰猿愁客倦晨投果鶴喜人歸夜聽琴
我有田廬難共隱君今朋友獨何心還家早便更名姓只恐青山尙未深

江上

鐵馬新林戰鼓休十年軍府笑謠謀但虞莊躡爭南郡不信孫恩到蔡州
江過濡須誰築壘潮通滬瀆在今上海總安流蘆花一夜西風起兩點金焦萬
里愁

送顧蒨來典試東粵

客路梅花嶺外飄江山才調屬車招石成文字兵須定珠出風雷瘴自消
使者千旌開五管諸生禮樂化三苗憑君寄語征南將誰勒炎天銅柱標

送李書雲蔡閻培典試西川

柳陌征衫錦帶鈎 詔書西去馬嘶游棧紫秦嶺千盤細水落巴江萬里
流兵火才人羈旅合山川奇字亂離搜莫愁沃野猶難問取得揚雄勝益

送山東耿中丞青藜

三經持節領諸侯好時家風指顧收岱頂磨崖看出日海邊吹角對清秋
幕中壯士爭超距稷下高賢共唱酬北道主人東郡守丹青剖策本營丘

送友人之淮安管餉

高牙鼓角雁飛天估舶千帆落照懸使者自徵滄海粟將軍輒費水衡錢
中原河患魚龍窟江左官租稷稻年聞道故鄉烽火急淮南幾日下樓船

送隴右道吳贊皇之任

笳鼓千人度隴頭使君斜控紫驄驢城高赤坂魚鹽塞日落黃河鳥鼠秋
移檄北庭收屬國閱兵西海取封侯請傾百斛葡萄酒玉笛關山緩帶游

恭遇

聖節次安丘劉相國韻

興慶樓前捧玉觴金張岐薛儼分行龍生大漠雲方起河出崑崙日正長
節過放燈開禁苑春將射柳幸平陽燕公上壽 天顏喜親定甘泉賜宴

朝日壇 大韻

曉日曛曛萬象鋪六龍銜燭下平蕪石壇耀火燭玄牡露掌華漿飲渴鳥
不夜城傳宣夜漏玉宮朝奉竹宮符卽今東汜西崐處盡入銅壺倒景殊

送之

李退庵侍衛奉使湖南從兵間探衡山洞壑諸勝歸省還吳詩以

下佳年年

得蒲州道嚴方公信卻寄

一官之楚復游燕歸去還乘笠澤船戎馬千山尋洞壑鶯花三月羨神仙
路穿江底聞雞犬家在湖中接水天侍御吾吳不似少陵長作客祝融峰

登樓楚客看雲樹隔岸秦人拜節旄回首舊游飛雁遠書來嚴助問枚臯

送趙友沂下第南歸

秋風匹馬試登臨此日能無感慨心趙氏只應完白璧燕臺今已重黃金
鄉關兵火傷王粲京國才名識杜欽最是淮南遇搖落相思千里暮雲深

懷王奉常煙客

把君詩卷問南鴻憔悴看成六十翁老去祇應添髮雪愁來那得愈頭風
田園蕪沒支笻懶書畫蕭條隱几空猶喜梅花開遠屋臘醅初熟草堂中

送友人從軍閩中二首

客中書劍愴離羣貰酒新豐一送君絕嶠烽煙看草檄高齋風雨記論文
中宵清角猿啼月百道飛泉馬入雲 詔諭諸侯同伐越可知勞苦有終

軍

其二

平生不識李輕車被 詔揮鞭白鼻騮簫鼓濟江催落木旌旗衝雪冷梅
花胡牀對客招虞寄羽扇麾軍逐呂嘉自是風流新制府王孫何事苦思

冢

紀事

郭杜山南起直廬從禽載筆有相如秋風講武臨熊館乙夜橫經勝石渠
七萃車徒堪討習百家圖史可佃漁上林獸籥何曾問叩馬無煩諫獵書

送汪均萬南歸

扁舟春草五湖寬歸去醉醺架未殘撥刺錦鱗初上筍團枝珠寶已堆盤
瘦瓢量水僧燒筍拳石分泥客買蘭四月山塘風景好知君端不憶長安

壽座師李太虛先生四首

放懷天地總浮鷗客裏風光爛熳收一斗濁醪還太白二分明月屬揚州
錦箏士女觴飛夜鐵笛關山劍舞秋猶有壯心消未得欲從何處訪丹丘

其二

好客從無二頃田勝游隨地記平泉解衣白日消碁局岸幘青山入釣船
故國風塵驚晚歲天涯歌舞惜流年篋中別有龍沙記不許傍人喚謫仙

其三

讀易看山愛息機閉門芳草雁還飛江湖有夢爭南幸滄海無家記北歸
煙水一竿思舊隱兵戈十口出重圍杜陵豈少安危志老大飄零感布衣

其四

廬頂談經破碧苔十年不到首重回風清鐘鼓吳山出雲黑帆檣楚雨來
痛飲長江看自注異書絕壁訪應開芒鞋歸去身差健白鹿諸生掃講臺

寄房師周芮公先生四首 并序

偉業以庚午受知於晉江周芮公師進謁潤州官舍維時上流
無恙京口晏然吾師以陸生入雒之年弟子亦終軍棄繻之歲
南徐月夜北固江聲揮塵論文登樓置酒笑譚甚適賓從皆賢
已而入主銓衡地當清切周旋禁近提挈聲華拜別河梁十有
八載滄桑兵火萬事都非偉業負未躬畊誓終沒齒不謂推遷
塵事潦倒浮生病苦窮愁羈縻煎迫師以同徵獨得不至方推
周黨共羨管甯而家居窮海身受重圍羽檄時聞音塵莫及雖
然江南近信已泊樓船京峴舊游皆非樂土何必無諸臺上始
接烽煙歐冶城邊纔開壁壘也既知援師南下山郡依然鄭樵
居第可保圖書揚僕軍營惟聞笳吹欣故人之杖屨致遠道之
郵筒爰作短章聊存微尚抒平生於慷慨寫盡日之羈愁庶幾

同經喪亂識此襟情雖隔山川無殊會面云爾

惆悵平生負所知尺書難到雁來遲桃榔月暗嚴城閉鷓鴣風高畫角悲
湖裏逢仙占昔夢洞中遇叟看殘碁脫身衰白干戈際筍屐尋山話後期

其二

北府風流坐嘯清蕭郎白恰愛將迎蒜山望斷江干月荔浦愁看海上城
劉寄關河雖險塞盧循樓艦正縱橫莫嫌戰鼓鄉圍急瓜步年來已用兵

其三

但若盤桓便見收 詔書趨迫敢淹留始知處士青門里須傍仙人白石
樓晉室衣冠依嶺嶠越王刀劍閉林丘少微卻照南天遠榕樹峰高隱故
侯

其四

白鶴青猿叫晚風苦將身世訴飄蓬干灘水惡盤渦險九曲雲迷絕磴空
廣武登臨狂阮籍承明寂寞老揚雄巨源舊日稱知己誤玷名賢啟事中

卽事十首

夾城朝日漸臺風玉樹青蔥起桂宮 時乾清宮成 謁者北衙新掌節 初設內監郎官

巴山千丈壁雲根節使征西入劍門蜀相軍營猶石壁漢高原願自江村

其十

五嶺烽煙城郭改三湘征調吏人稀老臣冀革本志往事傷心句幾衣

其九

金錢北去綠求印鐵券南來再控安廟算只今勤遠略伏波橫海已經年

其八

主持朝論垂魚袋料理軍書下虎符始信壽曹務休息太平良策未全無

其七

車馬苦給嫖姚節制難射營不城但嚴三輔誓願銷兵甲罷長征

其六

瓠子未成淇竹盡龍門遠掛白雲問金

功竟口不決用柳河作民力之難也

精江閩竟入海此 津堤橫喘不逢山天心豈為按圭璧民力何堪棄草菅

其五

樂浪有夷隄亭伯遠海無家管幼安盡說日南多瘴癘如君絕域是旒官

其四

通賜茶情燕鵬之休 從游西苑花初放侍宴南臺酒半醒最是御書房下

其三

元儉白髮領風塵風度須看似九齡疏之江湖曠老病

其二

穠書夜半移燈召教射樓頭走馬來聞道上林親試士即今誰是長卿才

其一

將帥幾人可會未央中

西府舊乘驅新選

叔孫禮在終應復蕭相功成固不同百戰可勝諸

駐兵南鄭分閩閩州 全家故國空從難異姓眞王獨拜恩回首十年成敗
兩地皆有高祖廟 事笛聲哀怨起黃昏

梅村家藏藁卷第十五終

梅村家藏藁卷第十六

詩後集八

七言律詩七十八首

長安雜咏四首

玉泉秋散鼎湖龍 世廟玄都闕御容絳節久銷金竈火青詞長護石壇
松運移梅福身難去道向麻姑使未逢重過竹宮聞夜祭徐無仙客話乾
封

其二

石門秋聳妙高臺 慈聖金輪寺榜開龍苑樹荒香界壤鹿園花盡塔鈴哀
燈傳初地中峰變經過流沙萬里來代有異人爲教出鳩摩天付不凡材

其三

鼓角鳴鞘下建章 平明獵火照咸陽黃山走馬開新埒青海求鷹出大荒
奉轡射生新宿衛帶刀行炙舊名王侍臣獻賦思遺事指點先朝說豹房
其四

百戰關山馬槊高 恥將階級鬪蕭曹兩河子弟能談劍一矢 君王已賜

袍此日大家親較武他時年少定分茅功成老將無人識看取征南帶血刀

哭蒼雪法師二首

憶昔穿雲到上方飛泉夾路筍輿忙孤峰半榻霜顛白清磬一聲山葉黃
得道好窮詩正變觀心難遣世興亡汰公塔在今同傳無著天親共影堂
汰如住華山與師為法侶最相得波度已十六載矣

其二

說法中峰語句真滄桑閱盡剝閑身宗風實處都成教慧業通來不礙塵
白社老應空世想青山我自哭詩人總教落得江南夢萬樹梅花孰比鄰
送友人出塞 門人杜登春日此詩送泰與季掌科作也季名開生
上書有意不忘君竄逐還將諫草焚 聖主起居當日慎小臣忠愛本風
聞玉關信斷機中錦金谷園空畫裏雲塞馬一聲親舊哭焉支少婦欲從軍

海警

龍驤開府集戈船不數昆明教戰年刊木止因裝大艦習流真豈募空營

越工樓櫓偏風利楚矢餘皇尙晝眠潮落春申灘上望虛糜十萬水衡錢
即事

擊鼓迎神太乙壇越巫吐火舞珊珊露臺月上調絲管禁苑霜凋挾彈丸
赤驥似龍徠萬里白鷹如雪致三韓栢梁焚後宜春起只有西山作舊看
送同官出牧 門人杜登春日乙未之秋 先帝出朝臣四十有一命
命

露掌明河玉漏寒侍中出宰據征鞍 君王此日親除吏臣子何心道換
官壯士驪山秋送戍豪家渭曲夜探丸扶風馮翊皆難治努力諸公奏最
看

寄周子叔中州

聞道周郎數酒悲中原極目更依誰雲遮二室關山在河奪三門風雨移
銅狄紀年何代恨石經傳字幾人知狂歌落日登臨罷殘醉歸來信馬遲

懷古兼弔侯朝宗

河洛烽煙萬里昏百年心事向夷門氣傾市俠收奇用策動官娥報舊恩
多見攝衣稱上客幾人勿頸送王孫死生總負侯羸諾欲滴椒漿淚滿樽

朝宗歸德人貽書約終隱不出
余爲世所逼有負夙諾故及之

送曹秋岳以少司農遷廣東左轄四首

江東才子漢平陽身歷三臺拜侍郎
五管清秋懸使節百蠻風靜據胡牀
珠官作貢通滄海象郡休兵奉朔方
早晚鄒侯能薦達鋒車好促舍人裝

其二

秋風匹馬尉佗城銅鼓西來正苦兵
萬里虞翻空遠宦十年楊僕自專征
山連鳥道天應盡日落蠻江浪未平
此去好看宣室召漢皇前席問蒼生

其三

銅柱天南起暮笳蒼山不斷火雲遮
羅浮客到花爲夢庾嶺書來雁是家
五月蠻村供白越千年仙竇訪丹砂
炎州百口堪同住莫遣閒愁感鬢華

其四

懸瀑丹崖萬仞流越王臺上月輪秋
江湖家在堪回首京國人多獨倚樓
海外文章龍變化日南風俗鳥輶朝
知君此地登臨罷追憶平生話少游

送楊猶龍學士按察山西二首

碧山學士起嚴裝新把牙旌下太行
玉塵開尊從將吏銀毫判牒喜文章

三關日落凝笳吹千騎風流出射堂
憶賜錦袍天上煖西遊早拂雁門霜

其二

一天涼影散鳴珂落木平沙雁渡河
北地詩名三輔少西風客思五原多
紫貂被酒雲中火鐵笛吟秋塞上歌
回首禁城從獵處千山殘雪滿滹沱

送王藉茅學士按察浙江二首

始興門第故人稀才子傳家典北扉
畫省日移花更發御溝春過柳成圍
江湖宦跡飄蓬轉豈少鄉心旅雁飛
重到冶城開戟地豈堪還問舊烏衣

其一

訟堂閒嘯聽流鶯十載東南憶避兵
江左湖山多故吏王家書畫豈虛名
從容簿領詩還就料理煙霞政自成
欲過會稽尋禊事斷碑春草曲池平

送當湖馬觀揚備兵岢嵐

絕塞驅車出定羌洗兵空磧散牛羊
黃河盡處無征戰紫燕飛時敢望鄉
獨客登臨傷廢壘前人心力困危疆
君恩不遣邊臣苦高卧荒城對夕陽

送王孝源備兵山西

野鷺美就成都成蘭村酒沽來不費錢我亦山東狂李白倦游好覓主家眠
琴行杖策魯城邊訪俗春風百里天蒙嶺出泉茶辨性龜田加火穀占年
夜宿蒙陰

華

被褐盧鴻仍拜 詔賜金疏受早還家西巡撫上登封壇地懷山莊侯率
高卧千峰鐘暮響浴城春盡自飛花銅仙露冷官門草玉女臺荒澗口
送少司空傅夢禎還嵩山

浩唱眉低槐市月緩聲衫動石頭風竟本是人間曲天上吹來便不同
復道笙歌幾處通博山香鼻綺疏中檀槽豈出龜茲伎玉笛非關子闋工
其二

鷓鴣風微清笛笛迥蒲萄月落畫絃深明朝莫待思言事日午君王駕未臨
漢主秋宵復宴上林延年供奉沉沈給來妙服裁文錦真就新聲賜餅金
和楊鐵崖天寶遺事詩二首

南國珠辭故主北坑黃鳥送傾城憑君試問離陵鶴一種銀河風浪生
天上人間總玉京今年牛女倍分明畫圖紅粉深宮恨砧杵金閨瘴海情

七夕感事

涼州水草軍營盛漢代亭臺擢火荒往往專功名歸衛霍書生再老王明青
長將詩酒付奚囊此去征途幾許幾昔昔金鞍調日馬梅花鐵笛奏青羌
其四

便道江城細思急故人京洛諫書稀一官漂泊知何恨老大匡山未拂衣
白草原頭驛路微十年踪跡是耶非一月明風合朝雞遶木落驚關塞馬肥
其三

北庭將在黃鸞老西海會來白象馴泉喜安邊真節使君恩深處少風塵
情秋柳陌朱輪下班聲到近臣萬里河源通大夏七盤山勢控新秦
其二

荒祠黑水龍欸暗絕坂丹崖鳥道盤龍認故京還思尺幾人遙寄近長安
衝杯落日指雕鞍渭北燕南兩地香上馬河隄征戰罷弟兄鬪鏖別難難
送同年江右朱遂初彘剛固原四首

父老靈關迎節使將軍廣武形封侯雍容資在資譚笑吹笛城甫月夜樓
秋盡黃河氣欲收千山雪色照井州鸚鵡聲暮木蒼崖壯馬嘶層冰斷澗流

郟城曉發

匹馬孤城望眼愁，雞聲喔喔曉煙收。
魯山將斷雲不斷，沂水欲流沙未流。
野戍淒涼經喪亂，殘民零落困誅求。
他鄉已過故鄉遠，屈指歸期二月頭。

聞台州警四首

高難響急峭帆收，橘柚人煙對鬱洲。
天際燕飛黃石嶺，雲中大吠赤城樓。
投戈將士逍遙卧，橫笛漁翁縹緲愁。
聞說天台踰萬丈，可容長嘯碧峰頭。

其二

野火山深叫杜鵑，閩風臺畔羽書傳。
軍捫絕磴松根火，士接飛流馬上泉。
雁積稻梁池萬頃，猿知擊刺劍千年。
桃花好種今誰種，從此人間少洞天。

其三

天門中斷接危梁，玉館金庭跡渺茫。
石鼓響來開峭壁，干將飛去出滄浪。
仙家壘是何年築，刺史丹無不死方。
亂後有人還采藥，越王餘算禹餘糧。

其四

三江木落海天西，華頂風高聽鼓鼙。
瀑布洗兵青嶂險，石橋通馬白雲齊。
途窮鄭老身何竄，春去劉郎路總迷。
最是孤城蕭瑟甚，斷虹殘雨子規啼。

遣嫁

蘸水寒堤百里風，扁舟裝送月明中。
但教兒女輕諸累，一任兵戈誤此翁。
故友蘋蘩生死寄，貧家棗栗亂離空。
歸來往事關心在，不寐愁看燭影紅。

江城遠眺

幕府山前噪乳鴉，嚴城煙樹隱悲笳。
柳條徧拂將軍馬，燕子難求百姓家。
東海奔濤連北固，西陵傳火走南沙。
江臯戰鬼無人哭，橫笛聲聲怨落花。

贈遼左故人八首

詔書切責罷三公，千里驅車向大東。
曾募流移畊塞下，豈遷豪傑實關中。
桑麻亭障行人斷，松杏山河戰骨空。
此去曩臣聞鬼哭，可無杯酒醉西風。

其二

短轅一哭暮雲低，雪窖冰天路慘悽。
青史幾年朝玉馬，白頭何日放金雞。
燕支塞遠春難到，木葉山高鳥亂啼。
百口總行君莫歎，免教少婦憶遼西。

其三

傷心書斷玉關秋，使者收鷹北海頭。
共事故人誰賜告，別來諸將幾封侯。
風霜積裹真難受，瘴癘天邊不易求。
莫信古稱卑濕地，南中猶有逐臣愁。

其四

潦倒南冠願影慚，殘生得失懺瞿曇。君恩未許誇前席，世路誰能脫左
墀。雁去雁來空塞北，花開花落自江南。可憐庾信多才思，關隴鄉心已不

其五

貫索天邊動使星，赭衣羸馬夕陽亭。胥靡憔悴傷圖畫，巷伯牽連累汗青。
減死朔方誰考驗，徙家合浦竟漂零。故園無限東風柳，蘆管吹來不忍聽。

其六

浮生踪跡總茫然，兩拜中書再徙邊。儘有溫湯堪療疾，恰逢靈藥可延年。
垂來文鼠裝綿暖，射得寒魚入饌鮮。只少江南好春色，孤山梅樹卷溪船。

其七

路出河西望八城，保宮老母淚縱橫。重圍屢困孤身在，垂死翻悲絕塞行。
盡室可憐逢將吏，生兒眞悔作公卿。蕭蕭夜半玄菟月，鶴唳歸來夢不成。

其八

齊女門前萬里臺，傷心砧杵北風哀。一官悞汝高門累，半子憐渠快婿才。

失母况經關塞別，從夫只好夢魂來。摩挲老眼千行淚，望斷寒雲凍不開。

春日小園卽席次白林九明府韻

小築疏籬占綠灣，釣竿斜出草堂間。柳因見日頻舒眼，花爲迎風早破顏。
地是廉泉連讓水，人如退谷遇香山。新詩片石留題在，採蕨烹葵數往還。

題畫

芍藥

花到春深爛熳紅，香來士女踏歌中。風知相譖吹芳蒂，露恨將離浥粉叢。
漬酒穩教顏色異，調羹誤許姓名同。內家彩筆新成頌，肯讓玄暉句自工。

石榴

碧雲翦翦月鈎鈎，狼藉珊瑚露未收。絳樹憑闌看獨笑，綠衣傳火照梳頭。
深房莫倚含苞固，多子還憐齧齒羞。種得萑蒲堪漬酒，劉郎花底拜紅侯。

洛陽花

綠窗昨夜長輕紗，玉作欄杆錦覆窠。丹穎好描秦氏粉，墨痕重點石家螺。
翦同翠羽來金谷，織並紅羅出絳河。千種洛陽名卉在，不知須讓此花多。

茉莉

剪雪裁冰莫浪猜，玉人纖手摘將來。新泉浸後香恒滿，細縷穿成藥半開。
愛玩晚涼宜小立，護持隔歲爲親栽。一枝點就東風裏，好與新妝報鏡臺。

芙蓉

細雨橫塘白鷺拳，竊紅婀娜向風前。千絲衣薄荷同製，三醉顏酡柳共眠。
水殿曉涼妝徙倚，玉河春淺共遷延。涉江好把芳名認，錯讀陳王賦一篇。

菊花

夜深銀燭最分明，翠葉金鈿認小名。故著黃緇貪入道，却翹紫袖擅傾城。
生來豔質何消瘦，移近高人恰老成。幾度看花花耐久，可知花亦是多情。

蘭虎

南山五日鏡奩開，綵索春蔥縛軼材。奇物巧從蠶館製，內家親見豹房來。
越巫辟惡鏤金勝，漢將擒生畫玉臺。最是繭絲添虎翼，難將續命詠牛哀。

茄牛

擊鼓喧闐笑未休，泥車瓦狗出同游。生成豈比東鄰犢，穀棘何來孺子牛。
老圃盤飧誇特殺，太牢滋味入常羞。看它諸葛貪遊戲，苦鬪兒曹巧運籌。

養鶴

丁令歸來寄素書，羽毛零落待何如。雲霄豈有舖糲計，飲啄甯關逐臭餘。
雪比撒鹽堆勁翮，蟻旋封垤附專車。秦皇跨鶴思仙去，死骨何因葬鮑魚。

蟬猴

仙蛻誰傳不死方，最高枝處憶同行。移將吸露迎風意，做就輕軀細骨妝。
薄鬢影如逢越女，斷腸聲豈怨齊王。內家近作通侯相，賜出貂蟬做粉郎。

蘆筆

採善編蒲課筆耕，織簾居士擅書名。掃來魯壁枯難用，焚就秦灰煮不成。
飛白夜窗花入夢，草玄秋閣雁銜橫。中山本是盧郎宅，錯認移封號管城。

橘燈

掩映蘭膏葉底尋，玉盤纖手出無心。花開槐市枝枝火，霜滿江潭樹樹金。
繡佛傳燈珠錯落，洞仙爭奕漏深沉。饒他丁緩施工巧，不及生成在上林。

桃核船

漢家水戰習昆明，曼倩偷來下瀨橫。三士漫成齊相計，五湖好載越姝行。
桑田核種千年久，河渚槎浮一葉輕。從此武陵漁問渡，胡麻飯裏掉歌聲。

蓮蓬人

獨立平生重此翁，反裘雙袖倚東風。殘身顛倒憑誰戲，亂服麤疏恥便工。
共結苦心諸子散，早拈香粉美人空。莫嫌到老絲難斷，總在污泥不染中。

戲詠不倒翁

掉首浮生半紙輕，一丸封就任縱橫。何妨失足貪遊戲，不耐安眠欠老成。
儘受推排偏倔強，敢煩扶策自支撐。却遭桃梗妍皮諛，此內空空浪得名。

海虞孫孝維三十贈言四首

法護僧彌並絕倫，聽經蕭寺紫綸巾。高齋點筆依紅樹，畫幟徵歌轉綠蘋。
一榻茶香專供佛，五湖蝦菜待留賓。丈夫早歲輕名宦，鄧禹無爲苦笑人。

其二

招真臺下讀書莊，總角知名已老蒼。何氏三高推小隱，荀家羣從重中郎。
鬪茶客話千山雨，寄橘人歸百顆霜。太末理官孝若其地產橘最佳塵尾執來思豎義，
曼公同飯贊公房。

其三

始立何容減宦情，法曹有弟尚諸生。松窗映火茗芽熟，貝葉研朱梵夾成。
金谷酒空消治習，曲江花落悟浮名。花落者爲扶桑志感也年來恥學王懷祖，初辟

中兵捧檄行

其四

高柳長風六月天，青鞋白襪尚湖邊。輕舟掠過破山寺，橫笛邀來大石仙。
孫氏之先遇仙于鳥目山之白石王儉拜公猶昨歲，張充學易在今年。種松記取合園後，
樹下著書堪醉眠。

贈錢臣辰同年弟

杜家中弟擅閒身，處士風流折角巾。花萼一樓圖史遍，竹梧三徑管絃新。
東都賓客多同輩，西息田園有主人。酒熟好從君取醉，脊令原上獨傷神。

贈荊州守袁大韞玉四首袁爲吳郡佳公子風流才調詞曲擅名遭亂北都佐藩西楚尋以失職空囊僑寓白下扁舟歸里惆悵無家爲作此詩贈之

曉日珠簾半上鉤，少年走馬過紅樓。五陵烽火窮途恨，三峽雲山遠地愁。
廬女門前烏桕樹，昭君村畔木蘭舟。相逢莫唱思歸引，故國傷心恐淚流。

其二

霓裳三疊遍天涯，浪跡巴丘度歲華。賴有狂名堪作客，誰知拙宦已無家。
西州士女章臺柳，南國江山玉樹花。正遇秋風蕭索甚，淒涼賀老撥琵琶。

其三

詞客開元擅盛名蕭條鶴髮可憐生劉郎浦口潮初長伍相祠邊月正明
擊筑悲歌燕市恨彈絲法曲楚江情袁西樓樂府中善才已死秋娘老溼有楚江情一韻盡青衫調不成

其四

湘山木落洞庭波杜宇聲聲喚奈何千騎油幢持虎節扁舟鐵笛換漁蓑
使君灘急風濤阻神女臺荒雲雨多楚相歸來惟四壁故人優孟早高歌

送楊懷涓擢臨安令

聽松鈴閣放衙陰飛瀑穿階入室琴許椽仙居丹井在謝公游策碧雲深
山農虎善樵微徑溪女蠶忙採遠林此地何王誇衣錦錦城人起故鄉心
合成都人臨安乃錢鏐衣錦城也

登縹緲峰

絕頂江湖放眼明飄然如欲御風行最高尚有魚龍氣半嶺全無鳥雀聲
芳草青蕪迷近遠夕陽金碧變陰晴夫差霸業銷沉盡佩葉蘆花釣艇橫

過席允來山居

碧梧門巷亂山邊灑掃雖煩得自然石筍一林雲活活藥欄千品雨娟娟
養花性為先人好種樹經從伯氏傳社酒已熟客來長繫五湖船

贈武林李笠翁

笠翁名漁能為唐人名說兼以金元詞曲知名

家近西陵住薜蘿十郎才調歲蹉跎江湖笑傲誇齊贅雲雨荒唐憶楚娥
海外九州書志怪坐中三疊舞迴波前身合是玄真子一笠滄浪自放歌

贈崑令王莘雲尊人杏翁

永平人

半載江南客未深玉山秋靜夜沉吟九邊田牧思班壹三輔交遊識季心
快馬柳城常命酒軟輿花縣暫聞琴白頭閒說西京事會記循良久賜金
莘雲有能名未半識以錢糧報罷

客譚雲間歸坐中事

五茸絲管妓堂秋奪得蛾眉付主謳豈是繩纓諸將會偶因行酒故人留
青尊有恨攀他手白削無情笑者頭若遇季倫西市日可宜還墮綠珠樓

別維夏

惆悵書生萬事非蒹葭衣今抵舊鳥衣六朝門第鴉啼遠九月關河木葉飛
庚嶺故人猶未別維夏叔增城公子彥燕山游子早應歸正逢漣酒登高會執手西

風歎落暉

梅村家藏藁卷第十六終

梅村家藏藁卷第十七

詩後集九

七言律詩七十四首

庚子八月訪同年吳永調於錫山有感賦贈四首

廿載京華共酒尊，十人今有幾人存。京師知己為真率，多愁我已嫌身世。

高臥君還長子孫，士馬孤城喧渡口。雲山老屋冷溪門，相逢萬事從頭問。

樺燭三條照淚痕

其二

杖藜何必遠行遊，抱膝看雲鶴鬢衰。天遣名山供戶牖，老逢佳節占風流。

干戈定後身還健，花月閒時我欲愁。莫歎勝情無勝具，亂峰深處著高樓。

永調有足疾

其三

黃花秋水五湖船，客鬢蕭蕭駭別幾年。老去妻孥多下世，窮來官長有誰賢。

酒杯驅使從無分，書卷消磨絕可憐。賸得當時舊松菊，數間茅屋對晴川。

其四

虛臺便闕信沉沉話及清郎淚不禁到處風波甯敢恨僅存兄弟獨何心
南州師友江天笛北固知交午夜砧從此溪山避煢燄暮雲黃葉閉門深

送張玉甲憲長之官邛雅四首

秋水連天棹五湖勞勞亭畔客心孤飄蓬宦迹空迢遞浩劫山川尚有無
石鏡開花惟自照郵筒憶酒向誰沽蕭條大散關頭路匹馬西風入畫圖

其二

劍外新傳一道通十年羣盜漫稱雄橫刀割取青神渡烈火燒殘白帝宮
豈有山川歸李特猶能車馬識文翁誰將牛斗龍泉氣移在天彭井絡中

張從江南學使者遷是職

其三

岷峨悽愴百蠻秋路折邛嶰九坂愁城裏白雲從地出馬前黑水向人流
松番將在看高臥雪嶺僧歸話遠遊欲問辟支諸佛土貝多羅樹卽關頭

雅州關外卽烏思藏

其四

錦宮春色故依然料理蠶叢半壁天葛相祠堂尋有蹟譙玄門戶訪誰傳

還家杜宇三更夢寄遠萑蒲十樣箋此去壯游何所恨思君長問楚江船

哭中書趙友沂兼柬其尊甫洞門都憲

長沙長子九江船御史臺西月正圓兩省親朋歡笑日一官詩酒亂離年
朱樓有淚看楊柳白髮無家聽杜鵑太息賈生歸未得湘花湘草夕陽邊

贈學易友人吳燕餘二首

風雨菰蘆宿火紅胥靡憔悴過牆東吞爻夢逐虞生放端策占成屈子窮
縱絕三編身世外橫添一畫是非中道人莫訝姚平笑六十應稱未濟翁

其二

註就梁丘早十年石壕呼怒孽門前范升免後成何用甯越鞭來絕可憐
人世催科逢此地吾生憂患在先天從今郵上田休種簾肆無家取百錢

壽繼起和尚

故山東望路微茫講樹秋風老著霜不羨紫衣誇妙相惟憑白足徧諸方
隨雲舒卷身兼杖與月空明詩一囊台頂最高三萬丈道人心在赤城梁

惠山二泉亭爲無錫吳邑侯賦

九龍山半二泉亭水遞名標陸羽經寺外流觴何處訪公餘飛鳥偶來聽

丹巖高閣空潭紫翠溼層巒萬樹青治行吳公今第一此泉應足勝中冷
贈張以韞來鶴詩

草聖傳家久著聞斗看孤鶴下層雲路從蓬島三山遠影落琴川七水分
自是昂藏矜鳳侶休教嫉妬報雞羣春風一樹梅花發耐守寒香孰似君
過三峰葉公話舊

霜落千峰曳杖尋筍輿衝雨過高林埋書草沒松根史洗鉢泉流石磴琴
萬事幾經黃葉夢三生難負碧潭心山童不省團圞話催打溪鐘夜未深
永平田君宗周吳故學博也袁重其識之尤展成司李其地相見
詢袁年百有二矣索詩紀異并簡展成

北平車馬訪煙蘿記向夷齊廟下過百歲共看秦伏勝一經長在漢田何
知交已料滄江少書舊翻疑絕塞多聽罷袁絲數東望酒酣求作絳人歌
顧西燦侍御同沈友聖虎丘卽事四首

註就逍遙賦大風彥先才調擅諸公晴川兩岸憑欄外雪嶺千尋攬轡中
我昔楚江同宋玉君今吳市訪梁鴻芳洲杜若無能採慚愧當年過渚宮
其一

喻蜀書成楚大夫征帆萬里到江湖鄉心縹緲思黃鶴祖德風流話赤烏
問俗駐車從父老尋山著屐共生徒君家自有丹青筆衰白追陪入畫圖

其二

生公石畔廣場開短簿祠荒閉綠苔山榭偶攜羣吏散布帆無恙故人來
爭傳五月登高會應改三江作賦臺自是野王思故里可知先賞陸機才

其四

一馬雙僮出野塘論文蕭寺坐匡牀花移堠鼓青油舫月映行厨白石廊
漫叟短歌傷老大散人長揖恕清狂細將朋友從頭數落落申生與沈

郎

贈松江郡侯張升衛從江監遷任

石城門外水東流簫鼓千人最上頭二陸鄉園江畔樹三張詞賦郡西樓
油燼置酒葦簾夜畫舫釣簾秋稻聞道青溪行部近兒童欣喜使君游

贈松郡副守涪陵陳三石自董

獨上高城回首難揚雄老去滯微官湖天搖落雲舒卷巫峽蕭森路折盤
廿載兵戈違故里千村輟轍向長安京江原是二巴水莫作鄉筒萬里看

贈松郡司李內江王擔四

十月江天曉放衙，茸城寒發錦城花。金堤更植先人柳，玉壘重看使者車。
父侍御治庾嶺霜柑書憶弟東令曲阿春釀夢思家侍御避亂詩成別寫京口湖堤

贈彭郡丞益甫

樓船落日紫貂輕，坐嘯胡牀雁影橫。雨過笛生黃歇浦，花開夢遶發干城。
舊棠邑令龍蛇絹素爭搖筆善書松杏山河已息兵人杏山慷慨與君談舊事夜深欣共酒杯傾

十月下滌借九日過雲間公讌闔石蒼水齋中同文饒諸子二首

百里溪山訪舊游，南皮賓客盛風流。文章座上驚黃絹，名字人間愧白頭。
董相園闕三徑夜，陸生臺在九峰秋。酒酣莫話當年事，門外滄江起暮愁。

其二

霜落南樓笑語清，無端街鼓逼嚴城。三江風月尊前醉，一郡荆榛笛裏聲。
花滿應徐陪上讌，歌殘嵇阮隔平生。歸來枕底天涯夢，喔喔荒雞已五更。
贈松江別駕日照安肇開

秋盡西風鬢影蒼，伏生經術蓋公堂。雞聲日出秦祠遠，鶴唳江空禹蹟荒。

三水滌繩杯酒合，三山樓觀畫圖裝。歸來好啗安期棗，不夜城頭是故鄉。

滇池鏡吹四首

碧雞臺榭亂雲中，舊是梁王避暑宮。銅柱雨來千嶂洗，鐵橋風定百蠻通。
朱鷺縣小輪寶布，白象營高挂柘弓。誰唱太平滇海曲，檳榔花發去年紅。

其二

苴蘭城闕鬱岩巖，貝葉金書使者朝。海內徵輪歸六詔，天邊勳伐定三苗。
魚龍異樂軍中舞，風月蠻姬馬上簫。莫向昆明話疏鑿，道人知已劫灰消。

其三

靄翠香祠總荒蘆，笙吹徹瘴雲黃。縱擒有策新疆定，叛服何常舊史亡。
鬼國三年勞薄伐，王師五月下殊方。瀾滄肯為它人渡，不許窺人有夜郎。

其四

盤江西遶七星關，可渡河邊萬仞山。隴上舊傳收白帝，南中今喜定烏蠻。
龍坑壯馬看馳驟，雞足高僧任往還。辛苦武侯停節處，殘碑零落草班班。

儒將

山有龍母祠
又陸雲故宅

天馬山

龍媒天馬出昆崙青海長留汗血痕此地干將騰劍氣何來逸足鑱雲根
石鯨潭影秋風動山有二石鐵笛江聲夜雨昏鐵崖芻秣可辭銜勒免空
山長放主人恩

小昆山

積玉昆岡絕代無讀書臺上賦吳都君臣割據空祠廟家國經營入畫圖
勢去河橋悲土馬詩成山館德尊鱸傷心白壁投何處汗簡淒涼陸大夫
送穎州會庭聞孝廉移家甯夏

十年走馬向天涯回首關河數暮鴉大庾嶺頭初罷戰賀蘭山下不思家
詩成積裏因聞雁書到江南定落花夜半酒樓羌笛起軟裘衝雪踏鳴沙
贈何匡山

早年納節臥滄浪回首風塵鬢髮蒼陶令軍營姑孰口大兵收溧陽謝公
游墅石門莊後僑寓溧陽大白所謂山田種罷輪常稅海國歸來認故鄉
何本膠城石門精舍即其地也二月村居春雨足官梅花發為何郎

題海虞孫子長七十壽圖

春秋註就授生徒虞仲祠前一老夫烏几看雲吟茵閣布帆衝雨醉菱湖
空山撫操彈三峽故國興懷賦兩都同輩半非身健在為誰寫入煉丹圖
虞有徐神翁煉丹處

觀蜀鵑啼劇有感四首 并序

蜀鵑啼者丘子嶼雪為吾兄成都令志衍作也志衍一官遠宦
萬里嚴裝愛弟從行故人送別上游梗塞盡室扶攜既舍冰而
登山甫自滇而入蜀北都覆沒西土淪亡身殉封疆家罹鋒鏑
嗚呼三十六口痛碧血之何存一百入盤招游魂而莫返無兒
可托有弟言歸竄身荆棘之林乞食狼狽之族望蠻煙而奔走
脫賊又以崎嶇恥趙禮之獨全赤眉何酷恨童烏之不免黃口
奚辜爰將委巷之詭展作巴渝之舞庖子山之賦傷心時方板
蕩袁山松之歌行路聞且唏歔余也老逐歡游閒逢浩唱在中
年早傷於哀樂况昔夢重感乎交朋豈獨伍相窮來憐者有同
聲之歎遂使雍門曲罷泣焉如亡邑之人瞻望兄兮猶來思悲

翁而不見蘭堂客散金谷詩成非關聽伎之吟聊當懷人之什
爾

花發春江望眼空杜鵑聲切畫簾通親朋形影燈前月家國音書笛裏風
百口悔教從鳥道一官催去墮蠶叢雪山盜賊今何處腸斷箜篌曲未終

其二

江關蕭瑟片帆留策馬俄成萬里游失計未能全愛子端居何用貧封侯
雲山已斷中宵夢絃管猶開舊日樓二月東風吹水調鵲鴿原上使人愁

其三

平生兄弟劇流連高會南樓盡少年往事酒杯來夢裏新聲歌板出花前
青城道士看游戲白髮衰翁漫放顛雙淚正垂俄一笑認君眞已作神仙
劇中志衍
兵解仙去

其四

過盡蠻江與瘴河還家有弟脫兵戈狂從劇孟千塲博老愛優旃一曲歌
紅豆花開聲宛轉綠楊枝動舞婆娑不堪唱徹關山調血汚游魂可奈何
題華山藥菴和尚畫像一首和尚熊姓字魚山直
諫子杖不死後入道

清如黃鶴矯如龍浩劫長楮不壞松四國雞壇趨北面千年雪嶺啟南宗
西銘復社漢月禪燈皆
師令吳江時身所興起江湖夙世歸梅福經卷殘生繼戴顓諍論總銷隨
諫草故人已隱祝融峰繼公隱南嶽
藥公本師也

其一

西南天地歎無歸漂泊干戈愛息機黃蘗禪心清磬冷白雲鄉樹遠帆微
全生詔獄同官在指美
如農乞食江城故老稀松陵布衲綻來還自笑篋中血裏
舊朝衣

戊申上已過吳興家園次太守招飲郡圃之愛山臺坐客十人同

修禊事余分韻得苔字

六客堂西襖飲臺亂山高會嘯歌開塔懸津樹雨中出鐘送浦帆天際來
同輩酒狂眠怪石前賢墨妙洗蒼苔右軍勝集今誰繼仗有吾家季重才
立夏日陪園次郡伯過孫山人大白亭落成置酒分韻得人字

春盡山空鶴唳頻亂雲歸處鎖松筠江湖有道容奇士關隴無家出俊人
招隱起亭吟社客散仙留冢醉眠身一瓢零落殘詩在誰伴先生理釣緡
得友人札詢近况詩以答之

溪堂六月火雲愁支枕閒窗話貴游王令文章今日進巨公仕宦早年休
道衰薄俗甘棲遁才退殘書勉勸警京雒故人聞健飯黃塵騎馬來城頭
八風詩八首并序

余消夏小園風塢然而四至雖冷冷可以析醒已疾而淒其怒
號不能無爰居之思避其庶人之雌風乎聊廣其意作爲此詩
莊列寓言沈謝作賦庶以鳴候蟲而諧比竹若云俟諸輶軒則
此不足採也

其一 東風

汴水楊花撲面迎飄飄飛過雒陽城陶潛離畔吹殘醉宋玉墻頭送落英
油壁馬嘶羅袖舉綠塘波皺畫簾聲獨憐趙后身輕甚斜倚雕闌待月生

其二 南風

玉尺披圖解愠篇相烏高指越裳天終南雲出松檜響雙闕雨飛鈴索懸
師曠審音吹不兢鍾儀懷土操誰傳九疑望斷黃陵廟會共湘靈拂五絃

其三 西風

落日巴山素女秋梧宮蕭瑟唱涼州白團掌內恩應棄絳蠟窗前淚未收

隴坂征夫蘆管怨玉關思婦杵聲愁可堪益部龍驤鼓獵獵牙旗指石頭

其四 北風

萬里扶搖過白登少卿書斷雁難憑蕭梢駸尾依宛馬颯爽雄姿刷代鷹
野火燒原青海雪驚沙擊面黑河水愚公墜戶頭如蝟傳道君王獵霸陵

其五 東南風

紫蓋黃旗半壁中斗牛斜直上游通漫分漢沔魚龍陣須仗江湖烏鵲風
振柁引船濡口利碼牙揮扇赭圻功試看片刻周郎火一捲曹公戰艦空

三國志周瑜傳註黃蓋取輕艦十舫載燥荻枯柴建旌旗于上時東南風急同時發火燒盡北船曹公退走

其六 西南風

武帝雄圖叩筮開相如馳傳夜郎回巴童引節旌旄動夔馬隨車塵土來
堯女尙應愁赭樹史記秦皇西南渡淮水浮江至湘山祠逢大風楚王從

此怕登臺小臣欲進乘槎賦萬里披襟好快哉

其七 東北風

飛廉燦怒向人間徐福求仙恨未還萬乘雨休封禪樹史記封禪書始皇
樹于大八神波斷羨門山史三神山在渤海中患且至則船引風而去始
皇時方士皆以風爲解八神皆在齊北成山

斗入海最居 蕭蕭班馬東巡海發發嚴旌北距關錯認祖龍噫氣盛蓬萊
齊東北隅 咫尺竟誰攀

其八 西北風

沛宮親作大風歌往事彭城奈楚何身陷重圍逢晦冥天留數騎脫干戈
史記項王圍漢王三匝大風從西北起折木 威加河朔金方整地遶幽并
發屋揚沙石窳冥書晦楚軍亂乃得遁去 殺氣多好祭蚩尤耐風伯飛揚長護漢山河

贈同年嘉定王進士內三四首

槎浦岡頭自種田居然生活勝焦先赤松採藥深山隱白鶴談經古寺禪
孺仲清名交宦絕彥方高行里閭傳曲江細柳新蒲綠回首銅龍對策年

其二

翠竹黃花一草堂柴門月出課畊桑蘇林投老思遺事譙秀辭徵住故鄉
彊飯却扶芒履健高歌脫帽酒杯狂莫嗟過眼年光易征調初嚴已十霜

其三

先生吟社夜留賓紫蟹黃雞雜甕面春萬事夢中稱幸叟一家榜下出閑人
丙三及二子皆 科第而不仕 君房門第多遷改叔度才名固絕倫 指上谷 江夏 青史舊交餘

我在北窗猶得岸烏巾

其四

晚歲風流孰似君烏衣子弟總能文青箱世業高門在白髮遺經半席分
正禮雙龍方矯角釋奴千里又空羣外家流輩非容易肯信衰宗有右軍
大中丞心康韓公九月還自淮南生日爲壽

贈李膺公五十

閩閩清秋爽氣來尙書新自上游回八公草木登高宴九日茱萸置酒臺
兵食從容經久計江淮安穩濟時才尊前好唱南山曲笳鼓西風笑語開
先德傳家歷苦辛汗青零落剩閒身雲山笑傲容遺叟松菊招尋見故人
猶有田園供伏臘豈無書卷慰沉淪只看五月開樽宴撥刺江魚入饌新

庚戌梅信日雨過鄧尉哭剖石和尙遇大雪夜宿還元閣二首

荀與衝雨哭叅寥宿鳥啾鳴萬象凋北寺九成新妙塔師修報恩 塔初成 南湖千
頃舊長橋雲堂過飯言猶在去歲與師 同飯山閣雪夜挑燈夢未消最是曉鐘敲不
寐半天松栝影蕭蕭

其二

投老相期共閉關師有招住影堂重到淚潺湲身居十地莊嚴上師初刻
道出三峰立要間壞衲風光青桂冷四宜堂叢殘經燈火白雲閒吾師未
句分明在雪裏梅花雨後山桂最盛

感舊贈蕭明府

余年三十有一以己卯七月奉命封延津孟津兩王於禹州過
汴梁登梁孝王臺適學使者會課屬郡知名士於臺上因與其
人諮訪古蹟徘徊久之而後行逾三十三年雒陽蕭公涵三從
道臣左官來治吾州拭目驚視云會議余則蕭公乃臺上諸生
中一人也感舊太息爲賦此詩

三十張旌過大梁繁臺憑眺遇蕭郎黃河有恨歸遺老朱邸何人問故王
授簡肯忘羣彥會棄繻誰識少年裝長卿駟馬高車夢臥疾相逢話草堂
送許堯文之官蒲陽二首

烏石煙巒列畫圖雙旌遙喜入名都路經鷓鴣嶺還龍嶺符剖鴛湖更鯉湖
訪舊草堂搜萬卷吟詩別墅補千株知君不淺絃歌興別有高樓起望壺

其一

榕陰五馬快駢驅親到游洋古越南抹麗香分魚鮓細荔支漿勝橘奴甘
鮫宮月映浮春嶼蜃市煙消見夕嵐此去褰帷先問俗上溪秋色正堪探

梅村家藏彙卷第十七終

梅村家藏藁卷第十八

詩後集十

五言排律四首

途中遇雪卽事言懷

雪來榆塞北人去衛河西川隴方瀟漫關山正慘淒短衣吹帶直矯帽壓
簷低漁卧舟膠浦樵歸柳斷蹊危灘沙路失廢井草痕齊塔迥埋榎梅臺
荒凍鼓輦襖輕裝易發書重笈難攜久病人貽藥長途友贈綿橫津船渡
馬野店屋棲雞家詠兵來破墻嫌客亂題簾牀甯有席葦壁半無泥路遠
人呼飯厨空婦乞醯白洩麪作餌綠糝菲成齏入筋非鮭菜堆梓少棗梨
山薪土銜續村釀瓦罌提甃莖鹽如怒窺燈鼠似啼旗亭人又起草市路
偏擠遇淖前騶唱衝風後騎嘶與肩幾步換囊糈一夫齋行子誰停轡居
人尙掩閨漸逢農荷鋤稍見吏扶藜往事觀車轂浮踪信馬蹄世應嘲僕
僕我亦嘆栖栖赤縣初移社青門早灌畦餘生隨雁鷺壯志失虹蜺築圃
千條柳畊田十具犁昔賢長笑傲吾道務提撕得失書新語行藏學古稽
詩才追短李畫癖近迂倪室靜閒支枕樓高懶上梯老宜稱漫士窮喜備

殘黎有道甯徵管無才卻薦嵇北山休請讓東觀豈攀躋令伯親垂白中
郎女及笄離程波渺渺別淚草萋萋憶弟看雲遠思親望樹迷書來盤谷
友夢向鹿門妻贈燈吾衰矣飄零歸去兮尊鱸三泖宅花鳥五湖堤著屐
尋廬嶠張帆入剡溪江南春雨足把酒聽黃鸝

送吳門李仲木出守甯羌

君到南山去興元驛路長孤城當沮口舊俗問華陽稻近磻溪種魚從丙
穴嘗殘兵白馬成廢塢赤亭羌鐵鑊穿天上金牛立道傷隗囂宮尚在諸
葛壘應荒往事英雄恨新愁旅客裝七盤遮路谷十口隔秦倉黑水分榆
柳青泥老鷓鴣不堪巴女曲尙賽武都王

贈家園次湖州守五十韻

清切推華省風流擅廣陵俊從江左造賢比濟南徵經學三公薦文章兩
府稱北門供奉吏西掖秘書丞月俸鴉翎鈔春衣鳳尾綾賜酺班上膳從
獵賦奇鷹粉署勞偏著仙曹跡屢陞赤囊條每對黃紙詔親承乞外名都
重分符寵命仍爭傳何水部新拜柳吳興城闕晨笳動旌旗瑞靄凝射堂
青嶂合訟閣絳霞蒸教出漁租減詩成紙價增笙歌前隊引賓客後車乘

石戶樵輸粟銀塘女採菱水嬉鈎卷幔社飲鼓分棚急雨溪諠確斜陽岸
隴畝宗盟高季札史局慨吳兢官退囊頻罄年侵鏡漸愴鹿皮朝擁卷松
火夜挑燈舊業凋林薄殘身瘦石稜彈琴伐木澗荷鋪種瓜陸機刺魚窺
網偷睛鳥避矰已耽畊稼隱幾受黨碑懲寥落依兄弟艱難仗友朋殷勤
書一紙離別思千層逸爵斟佳醞緜袍製異繪蠶忙供杆軸茶熟裹絨膝
族姓叨三謝詞場繼二應敢宜陪魯衛賦僅半鄒滕謙抑君胡過慚惶我
曷勝長絨招鄭重短策跛飛騰好士公投轄尋山客擔簦竹溪春澹蕩梅
隴雪峻嶒孤館披襟坐危欄送日凭嵐光浮翠黛塔勢界金繩爲政崔元
亮相逢皇甫曾蘭燒輕共載蠟屐響同登笛冷荒臺鼓鐘沉廢寺僧趙碑
娟露滴顏壁壯雲崩哀至容吾放狂來敢自矜雄談茗是戰良會酒如甌
楚澤投劉表江樓謁庾水故交當路遍前席幾人曾妄把歡遊數癡將好
夢憑懷人吟力健觀物道心澄雅意通毫素閑愁託刻藤折花貽杜牧採
菊寄王弘瓊屑陳篇盡敬邪醉墨蠅非云聊以報舍此亦何能

賦得西隱寺古松

次葉詞菴韻
贈陸翼王

誰將東海月挂在一株松偃蓋荒祠暗槎枒薛石封寒生高士骨瘦入定

會容絕頂危巢鶴奔枝破壁龍盤根供客踞掃葉認仙踪風寂吹常謖泉
枯灑若滌性孤千尺傲材大百年慵葛相堪同卧秦皇耻再逢鹿芝香作
供鶴草錦成茸影出層雲外霜天落曉鐘

五言絕句八首

讀漢武帝紀

岱觀東迎日河源西問天晚來雄略盡坐盡是神仙

讀光武紀

雷雨昆陽戰風雲赤伏符始知銅馬帝遠勝執金吾

蕭何

蕭相營私第他年畏勢家豈知未央殿壯麗只棲鴉

南苑應制

熊館發雲旌春蒐告禮成東風吹紫陌千騎暮歸營

題畫

亂瀑界蒼崖松風吹雨急石廊虛無人高寒不能立

偶見二首

合歡金縷帶蘇合寶香薰欲展湘文袴微微蕩畫裙

其二

背影立銀荷瓊肌映綺羅燭花紅淚滿遮莫爲心多

古意

歡似機中絲織作相思樹儂似衣上花春風吹不去

六言絕句十二首

偶成十二首

南山不逢堯舜北窗自有羲皇智如樗里何用窮似黔婁不妨

其二

張良貌似女子李廣恂恂鄙人祖龍一擊幾中猿臂善射如神

其三

異錦文縉歌者黃金白壁蒼頭諸生唇腐齒落終歲華冠敝裘

其四

寶帳歲粧雲漾象牀刻鏤花深破盡民間萬室遠踰禁物千金

其五

韓非傳同老子蘇侯坐配唐堯今古一丘之貉不知誰鳳誰梟

其六

雅齒且加封爵田橫可誓丹青願得毋忘堂阜相看甯識神亭

其七

織薄吹簫豐沛拍張狂叫風雲朝領白衣隊主暮稱黑稍將軍

其八

雅擅潘文樂旨妙參羊體嵇心畫虎雕龍染翰高山流水彈琴

其九

東部督郵恣橫北門待詔窮愁莫舉賢良有道且求刀筆封侯

其十

貪其長爲說客夷甫自謂談宗著書一篇雋永緩頰四座從容

其十一

趙壹恃才倨傲襦衡作達疏狂計吏恣睢卿相布衣笑罵侯王

其十二

厨下綠葵紫蓼盤中白柰黃柑冠櫛懶施高枕樵蘇失幾清談

梅村家藏彙卷第十八終

梅村家藏彙卷第十九

詩後集十一

七言絕句七十一首

下相極樂菴讀同年北使時詩卷

蘭若停驂灑墨成過河持節事分明上林飛雁無還表頭白山僧話子卿

過昌國

樂生去國罷登壇長念昭王知已難流涕伐燕辭趙將忍教老死在邯鄲

任丘

回首鄉關亂客愁滿身風雪宿任丘忽聞石調邊見曲不作征人也淚流

臨清大雪

白頭風雪上長安襖褐疲驢帽帶寬辜負故園梅樹好南枝開放北枝寒

阻雪

關山雖勝路難堪纔上征鞍又解驂十丈黃塵千尺雪可知俱不似江南

送王元照八首

王善畫兪州先生會孫偶來京師舊廉州太守也

青山補屋愛流泉畫裏移家就朝川添得一舟乘興上煙波隨處小游仙

其二

始與公子舊諸侯丹荔紅蕉嶺外游席帽京塵渾忘卻被人強喚作廉州

其三

報國松根廟市開公侯車馬關如雷疲驢一笑且歸去刑部街前曾看來

其四

內府圖書不計錢漢家珠玉散雲煙而今零落無收處故國興亡已十年

其五

布衣懶自入侯門手跡流傳姓氏存聞道相公談翰墨向人欲訪趙王孫

其六

朔風歸思滿蕭關筆墨荒寒點染間何似大癡三丈卷萬松殘雪富春山

其七

河北三公一紙書浪游何處曳長裾歸田舊業春山盡華子岡頭自釣魚

其八

五馬南來韋使君故人相見共論文酒闌面乞黃堂俸明日西山買白雲

讀史偶述四十首

射得紅毛兔似拳乳茶桐酒閣門前相公堂饌銀盤美熊白烹來正割鮮

其二

雪消春水積成渠芻蕘如山道不除怪殺六街騶唱少只今驄馬避柴車

其三

新更小篆譯蟲魚乙夜橫經在玉除訝道年來親政好近前一卷是尙書

其四

直廬西近御書房插架牙籤舊錦囊燕寢不須龍鳳飾天然臺几曲迴廊

其五

閤門春帖點霜毫玉尺量身賜錦袍聞道尙方裁製巧路人爭擁看枚臯

其六

龍媒剪拂上華茵殿助丹青拜詔新莫向天閑誇絕技白頭韓幹竟何人

其七

徐無城下遇神仙移得驪山近玉田賭射上林春宴罷諸王騎馬向湯泉

其八

新張錦幄間垂楊四角觚稜入寶裝藉地煖茵趺坐軟茸茸春草是留香

其九

騰黃赭白總追風八匹牽來禁苑中毛骨不殊聲價好但看騎上卽神龍

其十

側坐翻身馬上輕官家絕技羽林驚左枝忽發鳴髀箭仰視浮雲笑絕纓

其十一

柳陰觀射試期門撥去胡牀踞樹根徙倚日斜纔御輦天邊草木亦承恩

其十二

進呈文字費躊躇轉譯紛然混魯魚夜半相公還被詔御前帖子改翻書

其十三

新語初成左右驚一言萬歲盡歡聲多應絳灌交歡久馬上先行薦陸生

其十四

東盡三韓北嫩江秋風傳箭海西降玄狐獵罷搜青鼠射得頭鷲更一雙

其十五

五千鐵騎十三山太子河邊飲馬還前哨已踰歡喜嶺鼓聲西下震榆關

其十六

松林路轉御河行寂寂空垣宿鳥驚七載金縢歸掌握百僚車馬會南城

其十七

海上奇毛固絕倫星眸玉爪出精神蘆溝橋上秋風起一簇紅塵鷹犬人

其十八

西洋館宇逼城陰巧曆通玄妙匠心異物每邀天一笑自鳴鐘應自鳴琴

其十九

迴龍觀裏海棠開禁地無人閉綠苔一自便門馳道啓穿宮走馬看花來

其二十

宣齋殿內香燒禁府圖書洞府簫故國滿前君莫問淒涼酒盞闕成窰

其二十一

布棚攤子滿前門舊物官窰無一存王府近來新發出剔紅香盒豆青盒

其二十二

大將祁連起北邙黃腸不慮發巨郎平生賜物都燔盡千里名駒衣火光

其二十三

琉璃舊殿虎房西月斧修成五色泥遍插御花安鳳吻絳繩扶上廣寒梯

其二十四

平生馬草世人知，垂老猶堪萬里馳。卻怪杏山書到日，二軍早哭道旁碑。

其二十五

金魚池上定新巢，楊柳青青已放梢。幾度平津高閣上，秦壇春望記南郊。

其二十六

紛紛茗酪關如何，點就茶經定不磨。移得江南來禁地，迴龍小蓋潑松蘿。

其二十七

夜半齋壇唱步虛，玉皇新築絳霄居。吹笙盡是黃門侶，別勅西清註道書。

其二十八

新題御墨賜屏顏，紫禁城頭喚景山。傳與外廷誇勝事，蓬瀛小島在人間。

其二十九

水雲樹上會神仙，層閣黃龍十丈船。三爵羣臣半露醉，榴花開宴自今年。

其三十

蘭池落日馬蹄驚，魚服揮鞭過柳城。十萬羽林空夜直，無人攬轡諫微行。

其三十一

七寶琉璃影百層，淪漪月色漾寒冰。詞臣主客詩圖進，御帖親題萬壽燈。

燈成命編翰製詩
聯勅賜燈名萬壽

其三十二

玉砌流泉繞碧渠，晚涼紈扇軟金輿。采蓮孺子江南弄，太液池頭看打魚。

其三十三

龍文小印大如錢，別署齋名自記年。畫就煙雲填寶篆，欲將金粉護山川。

其三十四

滑園千里送簞簪，管嶽簞青道正長。夜半火來知走馬，尙方藥物待新篁。

其三十五

新設椒園內道場，雲堂齋供自焚香。大官別有伊蒲饌，親割鸞刀奉法王。

其三十六

直廡起草擅能文，被詔含毫寫右軍。賜出黃鸞銀鑿落，天街徐踏墨池雲。

其三十七

霜落期門喚打圍，海青帽煖去如飛。鴛鴦信至纔遊幸，不比和林避暑歸。

其三十八

鴉鵲錦袋出懷中玉粒交爭花毯紅何似平章荒葛嶺諸姬蟋蟀鬪金籠

其三十九

絲翹聰慧換新妝比翼丹山小鳳皇巧舌能言金鎖愛賜緋妬殺雪衣娘
廣東進朱鸞
鷓足有四距

其四十

廣南異物進駝雞錦背雙峰一寸齊只道紫駝來絕塞雞林原在大荒西
鷓高三尺花冠翠羽背
有雙峰似駝之內駝也

伍員

投金瀨畔敢安居履楚奔吳數上書手把屬鐵思往事九原歸去遇包胥
偶見二首

其二

新更梳裹篔簹雙蛾窄地長衣抹錦靴總把珍珠渾裝卻奈他明鏡淚痕多
惜解雙纏只爲君豐趺羞澁出羅裙可憐鴛色新盤髻抹作巫山兩道雲
題帖二首

孝經圖像畫來工字格森嚴自魯公第一丹青天子孝累朝家法賜東宮
禁本有孝經圖周昉畫顏魯公書
會發內閣重裱今在吏部侍郎孫公北海處

其二

金元圖籍到如今半自宣和出禁林封記中山玉印在一般烽火竟銷沉
甲申後質慎庫圖書百萬卷皆宣和所藏金自汴梁輦入燕者
應元及明初無恙徐中山下大都時封記尚在今昔失散不存
南苑應制

綠楊春繞栢梁臺羽蓋梢雲甲帳閑知是至尊親講武日邊萬馬射生來
題石田畫芭蕉二首

其一

一葉芳心任卷舒客愁鄉夢待何如平生枉用藤溪紙綠玉窗前好寫書
不妨修竹共植樂長對蕭蕭夜雨寒卻笑休文強多事後人仍作畫圖看
口占

欲買溪山不用錢倦來高枕白雲眠吾生此外無他願飲谷棲丘二十年
題沙海客畫達摩面壁圖

松風拂拂水泠泠奈得維摩止觀經從此西來真實義掃除文字重丹青

梅村家藏藁卷第二十

詩後集十二

七言絕句八十一首

靈巖寺放生雞四首

芥羽狸膏早擅場爭雄身屬關雞坊從今喚醒夫差夢粉蝶低飛過講堂

其二

縛柵開籠敢自專雲中誰許作神仙如來爲放金雞赦飲啄浮生又幾年

其三

敢效山雞惜羽毛卑栖風雨自三號湯泉夜半蓮花湧佛號鐘聲日未高

其四

雞足峰頭夜雨青花冠錦臆影亭亭老莊談罷疏窗冷閒向山僧學聽經

口占贈蘇崑生四首

樓船諸將碧油幢一片降旗出九江獨有龜年臥吹笛暗潮打枕泣篷窗

其二

有客新經墮淚碑武昌官柳故垂垂扁舟夜半聞蘆管猶把當年水調吹

澤路千山遶訟堂江程到日海城荒王郎妙手驅名勝懸壁雲生見太行

其二

八詠樓頭翠萬重使君家傍洞門松不知尺許蒼茫裏誰是雙溪第一峰

其三

臺池蕭瑟故園秋爽嶺朱輪感昔游文采尙存先業廢紙窗風雨寫滄洲

其四

太守囊惟賣畫錢琴書長在釣魚船長官近欲知名姓築屋江邨擬種田

夜游虎丘入首次韻西嶽
待御韻

試劍石

石破天驚出匣時中宵氣共斗牛期魚腸葬後應飛去神物沉埋未足奇

王珣故宅

捨宅風流尙可追王郎別墅幾人知卽今誰令桓公喜正是山花欲笑時

千人石

碧樹朱欄白足宿相攜劉尹與張憑廣場月出貪跌坐天半風搖講院燈

顏書石刻

魯公戈法勝吳鉤決石錐沙莫與儔火照斷碑山鬼出劍潭月落影悠悠

劍池

百尺靈湫風雨氣星星照出魚腸字輾轆夜半語空中無人解講興亡意

可中亭

白石叅來共此心一亭矯立碧潭深松間微月窺人澹似識高賢履齒臨

悟石軒

築居縹緲北良常有客逢僧話石廊仙佛共參惟此石白蓮花發定中香

後山月黑不見

畫燭燒來入翠微更邀微月映清輝欲窮千里登臨眼笑約重游興不違

戲題士女圖十二首

一 舸

霸越亡吳計已行論功何物賞傾城西施亦有弓藏懼不獨鴟夷變姓名

虞兮

千夫辟易楚重瞳仁謹居然百戰中博得美人心肯死項王此處是英雄

出塞

玉關秋盡雁連天
殢裏明駝路幾千
夜半李陵臺上月
可能還似漢宮圓

歸國

董逃歌罷故園空
腸斷悲笳付朔風
曠得蛾眉知舊事
好修佳傳報曹公

當爐

四壁蕭條酒數升
錦江新釀玉壺冰
莫教詞賦逢人買
愁把黃金聘茂陵

墮樓

金谷妝成愛細腰
避風臺上五銖嬌
身輕好向君前死
一樹穠花到地消

奔拂

歌舞侯門一見難
侍兒何得脫長安
樂昌破鏡翻新唱
換取楊公作舊官

盜箱

令公高戟妓堂開
黃耳金鈴護綠苔
博浪功成倉海使
緣何輕爲美人來

取盒

銅雀高懸漳水流
月明飛去女詔謀
何因不取田郎首
報與官家下魏州

夢鞋

玉釵敲斷紫鸞雛
消息聲華滿帝都
能致黃衫偏薄倖
死生那得放狂夫

驪宮

天上人間恨豈消
雙星魂斷碧雲翹
成都亦有支機石
烏鵲難填萬里橋

蒲東

背解羅襦避月明
仁涼天氣爲多情
紅娘欲去喚鐘動
扶起玉人釵半橫

題寒香勁節圖壽袁重其節母八十

東籬漉酒泛芳樽
處士傳家湛母恩
傲盡霜花長不落
籜龍風雨夜生孫

烏棲曲

沉香爲柁錦爲牽
白玉池塘翡翠船
芙蓉翻水鴛鴦浴
盧郎今夜船中宿

讀陳其年邗江白下新詞四首

漫寫新詞付管絃
臨春奏妓已何年
笑宅狎客無才思
破費君王十萬箋

其二

鈿轂珠簾燕子忙
宮人斜畔酒徒狂
阿慶枉奏平陳曲
水調風流屬窈娘

其三

落日青溪載酒時
靈和垂柳自絲絲
沈郎莫作齊宮怨
唱殺南朝老妓師

其四

拾習春來興未除
豔情還作過江書
長頭大鼻陳驚坐
白袷諸郎總不如
題思翁做趙承旨筆

奈山雲接弁山遙
苔書扁舟景色饒
羨殺當時兩文敏
一般殘墨畫金焦
李青城七十有六
以自壽詩積閏平分
已耄年之句索和余題一
絕贈之

詞家老宿號山農
移得青城入九峰
細數餘分添甲子
黃楊千歲敵喬松
偶成

關河蕭索暮雲酣
流落鄉心太不堪
書劒尙存君且住
世間何物是江南
題冒辟疆名姬董白小像八首并序

夫笛步麗人出賣珠
之
女弟雉臯公子類側帽
之
之
叅軍名士傾
城相逢未嫁人
諧嫵婉時遇漂搖
則有白下權家蕪城
亂帥阮
佃夫刊章置獄高
無賴爭地稱兵奔迸
流離纏綿疾苦支持
藥
裏慰勞羈愁苟君家
免乎勿復相顧甯吾
身死耳
遑恤其勞已
矣
夙心終焉薄命名留
琬珍跡寄丹青
嗚呼鍼神繡罷寫春
蚓
於烏絲茶癖香來
滴秋花之紅露在
軼事之流傳若此奈
餘哀

之側愴如何鏡掩鸞空絃
摧雁冷因君長恨發我
短歌詒以八
章聊當一慨爾

射雉山頭一笑年相思
千里草芊芊偷將樂府
窺名姓親擊雲璈第幾
仙
其二

珍珠無價玉無瑕
小字貪看問妾家
尋到白隄呼出見
月明殘雪映梅花
其三

鈿轂春郊鬪畫裙
捲簾都道不如君
白門移得絲絲柳
黃海歸來步步雲
其四

京江話舊木蘭舟
憶得郎來繫紫騮
殘酒未醒驚睡起
曲闌無語笑凝眸
其五

青絲濯濯額黃懸
巧樣新妝恰自然
入手三盤幾梳掠
便攜明鏡出花前
其六

念家山破定風波
郎按新詞妾唱歌
恨殺南朝阮司馬
累儂夫婿病愁多
其七

亂梳雲髻下妝樓
盡室倉黃過渡頭
鈿合金釵渾拋卻
高家兵馬在揚州

其八

江城細雨碧桃郵寒食東風杜宇魂欲弔薛濤憐夢斷墓門深更阻侯門
又題董君畫扇二首

其二

湘君浥淚染琅玕骨細輕勻二八年半折秋風還入袖任他明月自團圓
古意六首

其二

荳蔻梢頭二月紅十三初入萬年宮可憐同望西陵哭不在分香賣履中
其二

其四

從獵陳倉怯馬蹄玉鞍扶上卻東西一經輦道生秋草說著長楊路總迷
玉顏憔悴幾經秋薄命無言祇淚流手把定情金合子九原相見尙低頭
其五

其六

銀海居然妬女津南山仍錮慎夫人君王自有宅生約此去惟應禮玉眞
珍珠十斛買琵琶金谷堂深護絳紗掌上珊瑚憐不得卻教移作上陽花
做唐人本事詩四首

其一

聘就蛾眉未入宮待年長罷主恩空旌旗月落松楸冷身在昭陵宿衛中
錦袍珠絡翠兜鍪軍府居然王子侯自寫赫蹏金字表起居長信門門頭

其二

藤梧秋盡瘴雲黃銅鼓天邊歸旆長遠愧木蘭身手健替耶征戰在他鄉
其四

新來夫婿奏兼官下直更衣禮數寬昨日校旗初下令笑君不敢舉頭看
題錢黍谷畫蘭

爲袁重其謀祝

謝家燕子鬱金堂玉樹東風遶砌長帶得宜男春鬪草衆中推讓杜蘭香
其二

北堂萱草戀王孫膝下含飴阿母恩錯認清郎貪卧雪生兒強比魏蘭根

題王石谷畫二首

綠樹參差倚碧天，波光微灩尚湖船。煙巒自遠王維墅，不必重參畫裏禪。

其二

初冬景物未蕭條，紅葉青山色尚嬌。一幅天然圖畫裏，維摩僧寺破山橋。

臨終詩四首

忍死偷生廿載餘，而今罪孽怎消除。受恩欠債應填補，總比鴻毛也不如。

其二

豈有才名比照隣，發狂惡疾總傷情。丈夫遭際須身受，留取軒渠付後生。

其三

胸中惡氣久漫漫，觸事難平任結蟠。魄壘怎消醫，怎識惟將痛苦付汎瀾。

其四

姦黨刊章誦告天，事成糜爛豈徒然。聖朝反坐無冤獄，縱死深恩荷保全。

梅村家藏彙卷第二十終

梅村家藏彙卷第二十一

詩後集十三

詩餘小令中調六十首

望江南一十七首

江南好，聚石更穿池。水檻玲瓏簾幕隱，杉齋精麗繚垣低。木榻紙窗西。

又

江南好，翠翰木蘭舟。窄袖袂衣持楫女，短簫急鼓采菱謳。逆槳打湖頭。

又

江南好，博古舊家風。宣廟乳爐三代上，元人手卷四家中。廠盒鬪雞鍾。

又

江南好，蘭蕙伏盆芽。茉莉縷藏新茗椀，木瓜香透小窗紗。換水膽瓶花。

又

江南好，蒲博擅縱橫。紅鶴八番金葉子，玄盧五木玉楸枰。擲采坐人傾。

又

江南好，茶館客分棚。走馬布簾開瓦肆，博羊錫鼓賣山亭。傀儡弄參軍。

又

江南好皓月石塲歌一曲輕圓同伴少十反塵細聽人多絃索應雲鑼

又

江南好黃爵紫車螯雞臚下豉澆苦酒魚羹加芼擣丹椒小吃砌宣窰

又

江南好櫻笋薦春羞梅豆漸黃探鶴頂芡盤初軟剝雞頭橘柚洞庭秋

又

江南好機杼奪天工孔翠裝花雲錦爛冰蠶吐鳳霧綃空新樣小團龍

又

江南好獅子法王宮白足禪僧爭坐位黑衣宰相話遭逢拂子塞虛空

又

江南好開掃鬪新妝鴉色二盤安鈿翠雲鬟一尺壓蛾黃花讓牡丹王

又

江南好豔飾綺羅仙百褶細裙金線柳半裝高屐玉臺蓮故故立風前

又

蘇十一十一

又

江南好繡帥出鉞神霧髻湘君波窈窕雲幢大士月空明刻畫類天成

又

江南好巧技棘爲猴髭漆湘筠香墊几戲金螺鈿酒承舟銀鏤匠心搜

又

江南好狎客阿儂喬趙鬼擲揄工調笑郭尖儂巧善詼嘲幃綽小兒曹

又

江南好舊曲話湘蘭薛素彈丸豪士戲王微書卷道人看一樹柳摧殘

又

鎮日鶯愁燕懶徧地落紅誰管睡起熱沉香小飲碧螺春盃簾捲簾捲一

又

任柳絲風軟

又

誤信鵲聲枝上幾度樓頭西望薄倖不歸來愁殺石城風浪無恙無恙牢

又

記別時模樣

又

小閣焚香閒坐撼撼紙窗風破女伴有誰來管領春愁一箇無那無那斜

又

詩後十三

壓翠衾還卧

又

煙鎖畫橋人病燕子玉關歸信報道負情儂屈指還家春盡休聽休聽又是海棠開近

又

昨夜酒闌人醒移過玉人鴛枕同到瑣窗前照見一簾花影誰肯誰肯不怕月明風冷

生查子

青鎖隔紅牆撇下韓嫣彈花底玉鸚嘶立在垂楊岸 纖指弄東風飛出銀箏雁寄語畫樓人留得春光半

又

香爇合歡襦花落雙文枕嬌鳥出房櫳人在梧桐井 小院賭紅牙輪卻蒲桃錦學寫貝多經自屑泥金粉

又 旅思

一尺過江山萬點長淮樹石上水潺潺流入清谿去 六月北風寒落葉

無朝暮度樾與穿雲林黑行人顧

點絳脣 蕉團

細骨珊瑚指尖拂處嬌絃語著水撩人點點飛來雨 撲罷流螢帳底輕風舉眠無主誤黏玉體印得紅絲縷

浣溪沙

斷頰微紅眼半醒背人驀地下堦行摘花高處賭身輕 細撥薰爐香繚繞嫩塗吟紙墨欹傾慣猜閒事爲聰明

又

一斛明珠孔雀羅湘裙窄地錦文鞞紅兒進酒雪兒歌 石黛有情新月皎玉簪無力暖雲拖見人先唱定風波

菩薩蠻

江天漠漠寒雲白長橋客醉閒吹笛沙嘴荻花秋垂蘿拂釣舟 危峰欹半倚仄徑蒼苔屐欲上最高亭遠山無數橫

減字木蘭花 題畫

藤谿竹路鳥道無人雲獨過鹿柵猿栖布襪青鞋客杖藜 江頭尺鯉展

罷生綃天欲雨記得會游古木包山五月秋

又詠足

香跌印淺不挽春泥紅一寸羅襪鈎鈎點拍輕勻小鳳頭
歸來露滑醉把雙纏微笑脫撥醒檀郎眼底端相白似霜

醜奴兒令

落紅已拂雕闌近入手枝低莫肯高飛費盡東風著力吹
分明燕子啣來到因甚差池墜在汚泥惹動游絲不自知

又

溪橋雨過看新漲高柳鳴蟬荷葉田田指點兒童放鴨船
前村濁酒沽來醉今夜涼天明月初圓一枕西窗自在眠

又

低頭一霎風光變多大心腸沒處參詳做箇生疏故試郎
何須抵死推儂去後約何妨卻費商量難得今宵是仁涼

清平樂 題雪景

江山一派換出瓊瑤界凍合灘舟因訪戴沽酒南村誰賣
草堂風雪雙

扉畫圖此景依稀再補吾廬佳處露橋一笠僧歸

浪淘沙 題畫

枉自苦凝眸腸斷歸舟依然明月舊南樓報道孫郎消息好楊柳風流
花意落銀鈎一寸輕柔生綃不剪少年愁看取幽蘭啼露眼心上眉頭

又端午

纏臂綵絲繩妙手心靈真珠嵌就一星星五色疊成方勝小巧樣丹青
刻玉與裁水眼見何曾葫蘆如豆虎如蠅旁繫纒絲銀扇子半黍金鈴

又枇杷

上苑落金丸黃鳥綿蠻曉窗清露濕雕盤恰似戒珠三百顆琥珀沉檀
纖手摘來看香色堪餐羅衣將褪玉漿寒怕共脆圓同薦酒學得些酸

柳梢青

紅粉牆高風吹嫩柳露濕天桃扇薄身輕香多夢弱腸斷吹簫
誰能一見相拋動人處詩成彩毫帳底星眸窗前皓腕又是明朝

西江月 雲巖聽法

昔日君王舞榭而今般若經臺千年霸業總成灰只有白雲無礙
看取

庭前柏樹那些石上青苔殘山廢塔講堂開明月松間長在

又 詠別

烏鵲橋頭夜話櫻桃花下春愁廉纖細雨綠楊舟畫閣玉人垂手 紅袖
盈盈粉淚青山剪剪明眸今宵好夢倩誰收一枕別時殘酒

又 詠雪壑
俗御像

透出光明眼耳忍來冰雪心腸坐時兩手且收藏捏弄兒童無狀 著體
生成冷絮開門自在齋糧大千世界儘銀裝到得來朝一樣

又 春思

嬌眼斜迴帳底酥胸緊貼燈前匆匆歸去五更天小膽怯誰瞧見 臂枕
餘香猶膩口脂微印方鮮雲蹤雨跡故依然掉下一牀花片

南柯子 涼枕

頰印紅多暈釵橫響易尋美人一覺在花陰怕是耳珠鈎住鬢雲侵 有
分投湘簟無緣伴錦衾眼多啣溜為知音受盡兩頭牽繫係人心

又 竹夫人

玉骨香無汗從教換兩頭受人顛倒被人勾只是更無腸肚便風流 嬌

小通身滑玲瓏滿眼愁有些情性欠溫柔怕的一時拋擲在深秋

鵲橋仙

圍林晚澹池塘新漲明月窺人縹緲萬木陰森穿影過驚噪起一羣山鳥
熾雲暗度銀河斜轉露濕桂花香悄少年此夜不須眠把鐵笛橫吹到

曉

南鄉子 新浴

皓腕約金環盪質生香浸玉盤曲曲屏山燈近遠偷看一樹梨花露未乾
扶起骨珊珊裙袂風來怯是單背立梧桐貪避影更關月轉迴廊半臂

寒

又 春衣

玉尺剪裁工闢色衣衫巧樣縫深淺配來纖手綻重重蒲紫蒨青雅縉中
斜領叩金盞透肉生香寶袂鬆茜袖半垂鴉襖淺從容百折羅裙細細

風

又 牡丹頭

高聳翠雲寒時世新妝喚牡丹豈是玉樓春真罷金盤頭上花枝鬪合歡

善意畫煙鬟用盡玄都墨幾丸不信洛陽千萬種爭看魏紫姚黃總一

般

臨江仙 蓬舊

落拓江湖常載酒十年重見墨英依然綽約掌中輕燈前綫一笑偷解研
羅裙 薄伴蕭郎憔悴甚此生終負卿卿姑蘇城外月黃昏綠窗人去住
紅粉淚縱橫

過嘉定感
又懷侯研德

苦竹編籬茅覆瓦海田久廢重耕相逢還說廿年兵寒潮衝戰骨野火起
空城 門戶凋殘賓客在淒涼詩酒侯生西風又起不勝情一篇思舊賦
故國與浮名

醉春風 春思

門外青鷗騎山外斜陽樹蕭郎何事苦思歸去去去燕子無情落花多恨
一天憔悴 私語牽衣淚醉眼倦人覩今宵微雨怯春愁住住住笑整鸞
衾重添香獸別離還未

又

眼底桃花媚羅襪鉤人處四肢紅玉軟無言醉醉醉小閣迴廊玉壺茶暖
水沉香細 重整蘭膏膩偷解羅襦繫知心侍女下簾鉤睡睡睡皓腕頻
移雲鬢低擁羞眸斜睇

江城子 風鶯

柳花風急賽清明小兒學走傾城一紙身軀便欲上天行干丈游絲收不
住纔落地條無聲 懸誰牽弄再飛鳴御風輕幾人驚江南二月鶯呼鷹
趙瑟秦箏天外響彈不盡海東青

千秋歲 題袁重其侍
母弄孫圖

吳中佳士獨有袁絲耳管筆墨供甘旨但期慈母笑敢告吾勞矣願只願
年年進酒春風裏 少婦晨妝起抱得佳兒侍珠一顆駒千里石麟天上
送鸞鳳階前戲回首道待看兒長還如此

風入松 題和州守楊仲延所
寄廬阿山人戴君畫

長松落落蔭南岡亂山橫砌銀塘梅花消息經年夢慢支頤老屋繩牀
几風吹散帙紙窗雨洗疏篁 丹青點染出微茫妙手過倪黃寒雲流水
閒憑弔誰能認當利橫江翰墨幽人小戴文章太守歐陽

永遇樂壽江林有郡丞

二水東流千山西擁中有英彥漢重言詩齊推善賦綵筆彤墀薦大堤驄
馬五嶺朱幡移向吳雲一片看油幢譚笑丰神紫氣佳哉葱蒨 華堂開
處楊柳千條拂面玉簫金管茉莉香清枇杷果熟五月榴花宴黃梅雨足
綠野陰濃盡說太平重見願使君長把瑤觴輕揮紈扇

紅林擒近春思

龜甲屏暹掩博山香未焦鸚鵡煖猶睡曉鶯上花梢醒來擡身半晌細雨
濕夢無聊女伴戲問春宵笑頰暈紅潮 黛眉新月偃羅襪小蓮初更衣
攏髻背人自折櫻桃怨玉郎起早日長倦繡小樓花落吹洞簫

金人捧露盤觀演秣陵春

記當年會供奉舊霓裳歎茂陵遺事淒涼酒旗戲鼓買花替帽一春狂綠
楊池館逢高會身在他鄉 喜新詞初填就無限恨斷人腸為知音仔細
思量榆聲滅字畫堂高燭弄絲簧夜深風月催檀板顧曲周郎

柳初新閨思

畫欄深鎖鴛鴦暖照素影花枝軟綠雲斜軀寶釵欲墜倦起日高猶嬾噴

道是風簾捲半擡身慵開嬌眼 閣外青山點點問平疇綠蕪誰慘玉驄
嘶去欲窺還避肩倚侍鬢微掩凝望處雙眉斂似不禁燕拘鶯管

梅村家藏彙卷第二十一終

梅村家藏藁卷第二十二

詩後集十四

詩餘長調二十六首

意難忘 山家

村塢雲遮有蒼藤老榦翠竹明抄溪堂連石穩苔徑逐籬斜文木几小窗
紗是好事人家啓北扉移牀待客百樹梅花 衰翁健飯堪誇把瘦尊茗
椀高話桑麻穿池還種柳汲水自澆瓜霜後橘雨前茶這風味清佳喜去
年山田大熟爛熳生涯

滿江紅 題書壽總憲龔芝麓

楚尾吳頭僅斗大孤城山縣正遇著青絲白馬西風傳箭歸去秦淮花月
好召登省闕江山換更風波黨籍總尋常思量遍 文史富才名擅交與
盛聲華健正三公開府張燈高宴綵髻功名杯在手青山景物圖中見待
七年揀取碧雲峰歸來羨

又白門感舊

松栝凌寒掛鐘阜玉龍千尺記那日永嘉南渡蔣陵蕭瑟羣帝翔翔騎白

鳳江山縞素瓠稜碧躡麻鞋血淚灑水天新亭客 雲霧鎖臺城戰風雨
送昭丘柏把梁園宋寢燒殘赤壁破衲重游山寺冷天邊萬點神鴉黑羨
漁翁沽酒一簑歸扁舟笛

又過虎丘申
文定公祠

相國祠堂看古樹蒼崖千尺聽斷澗鐘聲紫闌干吹笛士女嬉游燈火
亂君臣際會松杉直任年年急雨打荒碑兒童識 今古恨興亡蹟白社
飲青門客歎二公舊事吾徒蕭瑟歌舞好隨時世改溪山到處還堪憶儘
浮生風月倒金尊千人石

又讀史

顧盼雄姿數馬稍當今誰比論富貴刀頭取辨只應如此十載詩書何所
用如吾老死溝中耳願君侯誓志掃秦闕如江水 烽火靜淮淝壘甲第
起長安裏尙輕宅絳灌何知程李揮塵休譚邊塞事封侯拂袖歸田里待
公卿置酒上東門功成矣

又感舊

滿目山川那一帶石城東冶記舊日新亭高會人人王謝風靜旌旗瓜步

壘月明鼓吹秦椎夜算北軍天塹隔長江飛來也 暮雨急寒潮打蒼鼠
竄官門玉看雞鳴埭下射雕盤馬庾信哀時惟涕淚登高卻向西風擺問
開皇將相復何人亡陳者

又

詩酒溪山足笑傲終焉而已回首處亂雲殘葉幾篇青史昔日兒童俱老
大同時賓客今亡矣看道傍爭羨錦衣郎會如此 遭際盛聲名起跨燕
許追蘇李苟不知一事吾之深耻年少郎今何所得孝廉聞一當知幾論
功名消得許多才偶然耳

又贈南中
余澹心

綠草郊原此少俊風流如畫儘行樂溪山佳處舞亭歌榭石子岡頭聞奏
伎瓦官閣外看盤馬問後生領袖復誰人如卿者 雞籠館青溪社西園
飲東堂射捉松枝塵尾做些聲價賭墅好尋王武子論書不減蕭思話聽
清譚置壺逼人來從天下

又重陽
感舊

把酒登高望北固崩濤中斷還記得寄奴西伐彭城高燕飲至凌歊看馬

射秋風落木堪傳箭，歎黃花依舊故宮非。江山換，獨酌罷微吟，倦斜照。
下東籬，眸念柴桑居士，高風誰見佳節。又逢重九日，明年此會，知誰健。論
人生富貴本浮雲，非吾願。

又賀孫本芝
壽兼得子

老矣君謨，會日吹荔枝，三百拂袖去。荀與芒屨，彈琴吹笛，九日登高黃菊。
酒五湖，放棹青山宅。論君家住處，本桃源仙翁石。門第盛芝蘭，集五福。
滿雙珠，出看龍文驥子，鳳毛殊特。竹馬鳩車，塔下繞朱顏。綠鬢尊前立，問
今朝誰捧碧霞觴，同年客。

又感興

老子平生雅自負，交游然諾今已矣。結茅高隱溪雲生，關暇日好尋鄰父。
飲歸來，一枕松風覺。但拖條藤杖，筭鞋輕湖山樂。也不赴公卿約，也不
慕神仙學。任優游散誕，斷雲孤鶴，健飯休嗟容鬢改。此翁意氣，還如昨。笑
風塵勞擾，少年場安耕鑿。

又蒜山

沽酒南徐，聽夜雨江聲，千尺記當年。阿童東下，佛狸深入，白面書生成底。

用蕭郎裙屐，偏輕敵。笑風流北府，好譚兵參軍客。人事改，寒雲白舊墨。
廢神鴉，集儘沙沉浪。浪洗斷戈殘戟，落日樓船鳴鐵鎖。西風吹盡，王侯宅。任
黃蘆苦竹，打荒潮漁樵笛。

又壽金豈凡
相國七十

維社耆英，高會處。門前雙戟，風景好沙堤。花柳錦堂，琴瑟北叟，南翁須健。
在東封西禪，何時畢。羨蒼生濟了，衮衣歸神仙客。法醞美，雕薪炙燈火。
炤笙歌，席正朱樓雪。滿早梅消息，雙鑲青山霜。趁馬歡娛，紅粉春泥，履願
百年父老，進霞觴昇平日。

又壽顧吏部
松交五十

拂袖歸來，閑管領煙霞。除目算得是，與人無競。高飛黃鶴，眼底羊腸逢九。
坂天邊，鰓浪愁千斛。脫身時，還剩辟疆園浮生足。樽酒在，殘書讀。拳石
小滄洲，綠有風亭月榭。醉彈絲竹，嫩籜雨抽。蒼皮霜洗，窗前木倚。
丹青寫出，虎頭癡山公屋。

滿庭芳
孫太初太白亭落
成分韻得林字

鐵笛橫腰，鶴瓢在手，烏巾白袷行吟。仙蹤恍惚，埋玉舊煙林。多少唐陵漢

寢王孫夢一樣銷沉殘碑在高人韻士留得到而今 雲深來此地相逢
五隱白石同心喜今朝吾輩醉酒登臨忽聽松風驟響蘇門嘯鬣遺音
歸來晚峰頭斜景明日約重尋

六么令 詠桃

一枝穠豔薰破垂楊色到處倚磨臨水裝點清明陌障袖盈盈粉面獨倚
斜柯立深紅淺白無言含笑闌盡鉛華半無力 年年閒步過此柳下人
家識煙臉嫩霧鬢斜腸斷東風客燕子欲來還去滿地愁狼藉芳姿難得
韶光一片囑付東君再三惜

燭影搖紅

山塘卽事

踏翠尋芳柳條二月春風半泰娘家在畫橋西有客金錢裏道是留儂可
便細沉吟迴眸顧盼繡簾深處茗椀爐煙一牀粒管 惜別匆匆明朝約
會新亭館扁舟載酒問婢娟驀地風吹散此夜相思豈慣孤枕宿黃蘆斷
岸嚴城鐘鼓陳雨殘燈披衣長歎

倦尋芳

春雨

欺梅黯澹弄柳迷離一幅煙水醉墨模糊澹插浮屠天際捲湘簾憑畫閣

白鷗點點飛還起視吾廬如掀翻一葉空江深處 記今朝南湖襖飲土
女嬉游此景佳麗細馬輕車不到斷橋西路雙屐衝泥僧喚渡一瓢沽酒
柴門閉料今宵對殘燈客情憔悴

念奴嬌

東籬殘醉過溪來閒訪黃花消息小院高樓門半掩細雨欄干吹笛側帽
狂呼搗筆緩唱翠袖偎人立欲前還止此中何處佳客 卻是許掾王郎
風流年少爛醉金釵側十載揚州春夢斷薄倖青樓贏得遍插茱萸山公
老矣願影顛毛白凭高惆悵暮雲千里凝碧

木蘭花慢

過濟南

天清華不注搔首望白雲齊想向父夷吾雪宮柏寢衰草長堤松耶柏耶
在否祇斜陽七十二城西石筍功名何處鐵籠籌算都非 儘牛山涕淚
沾衣極目雁行低歎鮑叔無人魯連未死樵悴南歸依然洋洋東海看諸
生奏玉簡金泥誰問碣磔戰骨秋風老樹成圍

又 話舊

西湖花月地櫻筍熟鰕魚肥記粉袖銀箏青簾畫舫煙柳春堤驚風一朝

吹散歎西興兵火渡人稀白髮龜年尚在青山賀監重歸 恰相逢紫蟹
黃雞猶唱縷金衣奈狂客愁多秋娘老去木落烏栖無情斷橋流水把年
光流盡付斜暉世事浮生急景道人抱膝忘機

又壽嘉定趙侍御舊巡撫南

仰頭看皓魄切莫放酒杯空記六詔飛書百蠻馳傳萬里乘驄天南碧雞
金馬把枯棊殘局付兒童雞黍鹿門高隱衣冠鶴髮衰翁 歎干戈滿地
飄蓬落日數歸鴻喜歌浦寒潮練塘新霽投老從容菊花滿頭須插向東
籬狂笑醉顏紅高館青尊紅燭故園黃葉丹楓

又中秋詠月

水輪誰碾就千尺起嘯臺東記白傅堤邊庾公樓上幾度會逢今宵廣寒
高處問嫦娥瓊珮在何峰天上銀河珠斗人間玉露金風 聽江樓鶴唳
橫空人影立梧桐有宮錦袍緋綸巾頭白鐵笛仙翁欲乘月明飛去過嚴
城下界打霜鐘醉卧三山絕頂倒看萬箇長松

又壽汲古閣主人毛子晉

尚湖高隱處校漆簡定遺經正伏勝加飡楊雄強飯七略縱橫爭傳殺青

奇字更五千餘偈叩南能夜雨蒲團佛火春風茵閣書聲 卧荒江投老
遺民兵後海田耕喜柳塢堂開月泉詩就黃酒行吟高談九州風雅問開
元以後屬何人百歲頽毛斑白千年翰墨丹青

水龍吟送孫浣心之真定

無諸臺上春風燕南魏北聲名起金戈鐵馬神州沉陸幅巾歸里種柳門
前藝瓜陂下北窗煙雨遇天涯故舊貽書到一鞭行李淖泚水 挾瑟高
堂趙女問叢臺幾人珠履青史紛爭干戈譚笑陳餘張耳漢壘秦軍季龍
宮苑銷沉何處向孤城但有寒鴉落木暮天羈旅

風流子為鹿城李

青山當戶膺秋光霽明月倒壺觴羨金粟道人草堂松竹青蓮居士藜閣
文章傳家久朱門開累葉畫省付諸郎綠酒黃花淵明高卧紅顏白髮樊
素新妝 登高頻回首江南舊恨在鐵笛滄浪十載故園兵火三徑都荒
待山園再葺讀書萬卷湖田晚熟縱博千塲老子婆娑不羨儘意疏狂

又督學柯南

中原人物盛征騶過花發洛陽街羨嚴助承明連城建飾茂先機近好士

掄才資徒滿賦成誇授簡鐘鼓遶繁臺嵩嶽出雲鬱葱干仞濁河天際屈
注西來 憑高披襟處千觴引醴醲意氣佳哉回首日邊臚唱 御筆親
裁待尙書尺一趨歸視草門盈桃李學士高齋領取玉堂佳話黃閣重開

又掖門

咸陽三月火新官起傍鎖舊葺牆見殘壁廢磚何王遺構荒蕪衰草一片
斜陽記當日文華開講幄寶地正焚香左相按班百官陪從執經橫卷奏
對明光 至尊微含笑尙書問大義共退東廂忽命紫貂重召天語琅琅
賜龍團月片甘瓜脆李從容晏笑拜謝君王十八年來如夢萬事淒涼

沁園春 贈柳敬亭

客也何爲十八之年天涯放游正高談拄頰淳于曼倩新知抵掌劇孟曹
丘楚漢縱橫陳隋游戲舌在荒唐一笑收誰眞假笑儒生誑世定本春秋
眼中幾許王侯記珠履三千宴畫樓歎伏波歌舞淒涼東市征南士馬
慟哭西州只有敬亭依然此柳雨打風吹絮滿頭關心處且追陪少壯莫
話閒愁

又午朝
遇雨

十里紅牆樹色陰濃銅扉洞開見觚稜日炫金銀照耀朱霞天半遊暑樓
臺忽起奇雲琉璃萬頃燕雀眾風動來西山上有龍迎返照急雨驚雷
涼生殿閣佳哉但瀟灑瑤堦絕點埃聽御河流水瑋珠雜珮黃滋細柳
翠逼宮槐玉管銀毫冰桃雪藕枚馬詩成應制才承恩久待歸鞭晚霽步
月天街

又雲間張青瑛從中
州南還索詞喜母

極目中原慷慨平生濁醪一杯念高堂老母桓釐志行窮途游子仲蔚蒿
萊雅負經綸文章小技三尺遺孤何壯哉辭家久到燕南趙北赤日黃埃
吾徒造物安排且布韞青鞵歸去來有尊羹鱸膾能供蔬鱸魚村蟹舍
可葺茅齋貧賤安親詩書養志世上機雲少棄才成名後把懷清築起百
歲高臺

又觀潮

八月奔濤千尺崔嵬砒然欲驚似靈妃顧笑神魚進舞馮夷擊鼓白馬來
迎伍相鳴夷錢王羽箭怒氣強於十萬兵崢嶸甚訝雪山中斷銀漢西傾
孤舟鐵笛風清待萬里乘槎問客星歎鯨鯢未剪戈船滿岸蟾蜍正吐



歌管傾城狎浪兒童橫江士女笑指漁翁一葉輕誰知道是觀潮枚叟論

水莊生

又丁酉小春海棠與水仙並開王廉州為子
又鳥秋林圖初成因取瓶花作供輒賦此詞

有美人兮宛在中央仙乎水哉似藐姑神女凌波獨步驚湘極浦洗盡塵埃忽遇東鄰彼姝者子紅粉臙脂笑鬢開須知道是兩家妝束一種人材東君著意安排蚤羯鼓催成巧樣裁豈陳王賦就新添女伴太真睡起共倚妝臺玉骨冰肌豔梳濃裹妙手黃荃未見來霜天晚對膽瓶雙絕點染幽齋

又吳興愛山臺榭
飲分韻得關字

妍景銷愁輕衫乘興扁舟往還遇使君倒屣銀牀枕簟羣賢傾蓋玉珮刀鏤下若新醅前溪妙舞落日樓臺雨後山雕闌外有名花婀娜嬌鳥綿蠻衰翁天放疏頑况廿載重來詎等閒歎此方嚴虎青絲白馬孫吳時山與呂蒙戰於吳當年宋態綠髻紅顏唐李涉有贈吳興妓宋態詩冠嚴白虎與之石城山所謂解語花枝在眼前也春色依然舊游何處剩得東風柳一灣吾堪老傍鷗汀雁渚石戶松關

賀新郎 送杜將軍發試

雙鬢愁來白數威名西州豪杰玉關沙磧家世通侯黃金印馬稍當年第一磨盾鼻懸毫飛檄雅吹投壺詩萬首舊當陽虎帳春秋癖思往事頓成昔天涯寂寞青門客念平生鞭箠萬里布衣之極滿地江湖漁歌起誰弄扁舟鐵笛正柳色依依南陌日暮鄉關何處是故人書草沒摩崖石漫回首淚沾臆

又病中
有感

萬事催華髮論龔生天年竟天高名難沒吾病難將醫藥治耿耿胸中熱血待灑向西風殘月剖卻心肝今置地問華佗解我腸干結追往恨倍淒咽故人慷慨多奇節為當年沉吟不斷草間偷活艾炙眉頭瓜噴鼻今日須難訣絕早患苦重來干疊脫屣妻孥非易事竟一錢不值何須說人世事幾完缺

梅村家藏彙卷第二十二終


第 35643 号

平成 3.11.22

聖和学	928
-----	-----

園短大	八
-----	---

図書館	3
-----	---



號 31155

平 望 園

學	大	館
大	學	館
館	學	館

秀

